


文翰大成

二十九之三十一

七




漢書門			
類	號	函	架
三	七	四	四
一	四	三	四
冊	100		

內閣文庫			
類	號	冊	函
漢	三	七	四
書	一	四	三
	冊	架	冊
	二	二	三

宋至元

內閣文庫		
番號	漢	3741
冊數	100 (17)	
函號	362	68



翰類選

大成卷第二十九七言古

潘錄文庫

宋

楊天

年一首歐陽永叔一首宋子京一首梅盛俞四首

孫明

汶一首劉原父二首狄遵度二首司馬君實一首

王介

用四首蘇明允一首王陶一首黃亞夫一首

陳述

古一首魏仲先一首黃魯直十首蘇子瞻首十七

沈春

達一首曾子固一首蘇子由一首張文潛六首

唐子

西一首馬子才一首秦少由一首韓子蒼一首

謝勿

樂一首路振一首郭功父一首潘邠老一首

謝無

遠四首張芸叟一首許彥國一首崔德符一首

李商

老一首李錡一首宋仲晦四首文宋瑞一首

李之

純一首蕭直卿二首龐才卿二首高獻臣一首

日中書

肅

李平用一首 高仲常一首 王正之一首 李天英一首

麻知幾一首 雷希顏一首 王仲澤一首 張吉甫一首

侯君澤二首 王飛伯二首 張林卿一首 張元佐一首

孟友之二首 朱少章二首 趙濟甫一首 元德明四首

劉無黨四首 党世傑二首 周德卿二首 趙文孺二首

王逸真一首 陳無已二首 胡元任一首 宇文叔通二首

朱師美二首 朱好謙一首 任君謨一首 蔡伯堅一首

蔡正用二首 馬子卿一首

文翰類選大成卷第二十九目錄

文翰類選大成卷第二十九

左長史上海李伯璣編輯

伴 讀慈谿馮厚校正

詩類 七言古

宋

禁直

楊大年

鳳樓鴛瓦蟾波濕衆籟聲沉百蟲蟄仙盤雲表露成霜何人
夜半牛衣泣芝泥香熟封詔書河漢西傾移斗車陰風撼撼
起庭樹寒澌曼曼鳴宮渠千廬迭唱傳宵警海山鼇背蓬壺
頂金缸珠網結綺錢玉井銀牀垂素綆前席受釐詢碩生觀
書百斤頂中程投籤下應嚴鼓節求衣誤聽蒼蠅聲渴烏漏盡
繁星曙魚鑰建章開萬戶初日曠隴豔屋梁鳴鞭一声下天路

滄浪亭

歐陽永叔

子美寄我滄浪吟邀我共作滄浪篇滄浪有景不可到使我
東望心悠然荒灣野水氣象古高林翠阜相回環新篁抽筍
添夏影老桤亂發爭春妍水禽閒暇事高格山鳥日夕相啾
喧不知此地幾興廢仰視喬木皆蒼煙堪嗟人迹到不遠雖
有來路曾無緣窮奇極怪誰似子搜索幽隱探神仙初尋一
迳入蒙密豁見異境無窮邊風高月白最宜夜一片瑩淨鋪
瓊田清光不辨水與月但見空碧涵漪漣清風明月本無價
可惜祇買四萬錢又疑此境天乞與壯士憔悴天應憐鴟夷
古亦有獨往江湖波濤渺翻天崎嶇世路欲脫去反以身試
蛟龍淵豈如扁舟任飄瓦紅蕖綠浪搖醉眠丈夫身在豈長
棄新詩美酒聊窮年雖然不許俗客到莫惜佳句人間傳

希真堂東手種菊花十月始開

當春種花惟恐遲我獨種菊君勿謂春枝滿園爛張錦風雨
須臾落顛倒看多易厭情不專鬪紫誇紅隨俗好豁然高秋
天地肅百物衰陵誰暇弔君看金蕊正芬敷曉日浮霜相照
耀煌煌正色秀可餐請請清香寒愈峭高人避喧字幽獨淑
女靜容羞窈窕方當搖落看轉佳付我寂寥何以報時攜一
罇相就飲如得貧交論久要我從多難壯心衰迹與世人殊
靜躁種花不種兒女花老大安能逐年少

哭梅聖俞

昔逢詩老伊水頭青衫白馬渡伊流灘聲八節響石樓坐中
辭氣凌清秋一飲百盞不言休酒酣思逸語更適河南丞相
稱賢侯後車日載枚與鄒我年最少力方優明珠白璧相報

投詩成希深擁鼻謳師魯卷舌藏戈矛三十年間如轉昨屈
指十九歸山丘凋零所餘身百憂晚登玉墀侍珠旒詩老壘
壘大學愁乖離會合謂無由此會天幸非人謀領鬚已白齒
根浮子年加我貌則不歡猶可強閑屢偷不覺歲月成淹留
文章落筆動九州釜餽過午無饋餽良時易失不早收篋積
瓦礫遺琳瑯薦賢轉石古所尤此事有職非吾羞命也難知
理莫求名聲赫赫掩諸幽翩然素旆歸一舟送子有淚流如溝

和賈相公覽杜工部北征篇

宋子京

唐家六葉太平罷宮豔醉骨恬無憂孽虜諾天翠華出模糊
戰血腥九州乾瘡坤瘻四海破白日殺氣寒颼颼少陵背賊
走行在採招拾橡填飢喉眼前亂離不忍見作詩感慨陳大
猷北征之篇辭最切讀者心墮如摧斬莫肯念亂小雅怨自
然流涕袁安愁才高位下言不入憤氣鬱屈蟠長虬今日奔
亡匪天作向來顛倒皆廟課忠骸伎骨相撐拄一燎同燼悲
崑丘相君覽古慨前事追炙子美貞詩流前王不見後王見
願以此語貽千秋

白鷗圖

梅聖俞

雙睛射空眼角脊筋爪入節韝條垂翅排霜刀毛綴甲雪色
怒突秋雲披當時始得不知價朝發海東夕九疑世為奇俊
玩不足奪質移神歸畫師而今推向深堂上燕雀屏絕寧來
窺畫師黃全出西蜀成都范君能具知范云全筆不取次自
養鷹鷗觀所宜毳毛植立各有態矧音剔怪乃肯為尋常飼
鷹多捕鼠捕鼠往驅其兒其兒長大好飛走其孫賣鼠迭又
衰范君語此亦有味欲戒近習無他移

送葛都官南歸

不羨新為赤縣尹，惟羨暫向江南歸。江南暮暮梅雨時，風帆
差差並鳥飛。曾竿夾岸長若梳，水籠魚鮮且肥家。在千山
古溪上，先應喜鵲噪門扉。

和吳冲卿元會

千官車馬閭闔來，書漏始上閭闔開。我我左右升龍進，昨夜
雪飛雲作堆。殿前冠劍魚鱗立，東風入仗旗脚回。黃鍾一奏
寶扇掩，玳簾捲起香霧排。鳴鞘未盡霹靂響，翠輦已退黃金
階。聖人端冕御法座，大樂旅作聲和諧。群公抃蹈丹墀下，尚
書奏瑞四夷懷。乘輿却入更衣閣，通天絳袍陞玉榻。百拜稱
觴萬歲聞，兩廊賜食簪裾巨。曲傳大定舞綴疎，波旋煙斂飭
宮車。衛官解嚴多士退，日光停午氣象舒。吳君才筆天下傑，
歸來作詩傳石渠。石渠秘邃無凡愚，石渠酬唱皆嚴徐。我慙
短學復在後，收餘撥棄聊以書。

採石月贈郭功甫

採石月下訪謫仙，夜披錦袍坐釣船。醉中愛月江底懸，以手
弄月身翻然。不應暴落飢蛟涎，便當騎鯨上青天。青山有家
人謗傳，却來人間知幾年。在昔孰識汾陽王，納官賞死義難
忘。今觀郭裔奇俊郎，眉目真似文章死。生往復猶康莊樹
穴，採環知姓羊。

諭學

孫明復名復國
子直講

冥觀天地何云為，茫茫萬物爭蕃滋。羽毛鱗介各異趣，披攘
攫搏紛相隨。人亦其間一物爾，飢食渴飲無休時。苟非道義
充其腹，何異鳥獸安鬚眉。人生在學勤始至，不勤求至無由

期孟軻荀況揚雄氏當時未必皆生知因其鑽仰久不已遂
入聖域爭先馳既學便當窮遠大勿事聲病淫哇辭斯文下
衰吁已久勉思駕說扶顛危擊暗歐龍明大道身與姬孔爲
藩籬是非豐頤若不學慎無空使精神疲

漁翁

劉原父

白頭老翁披敗蓑求魚終日罩淮波深水闊望不絕網目雖
繁能幾何大魚鱣鱠入淵底小魚鯽鯢登網裏手斂足趺吁
可憐何不爲網大如天

朱雲

志士不忘棄溝壑勇士不忘喪其元伏雞搏狸狗龍虎感激
只在精神存漢朝陵替外戚盛五嶽振蕩三辰昏臣體主弱
上不悟廷中唯唯誰能言不生節義漢金石面劫不避即得

尊願求尚方斬馬劍誅一厲百清其源天威震怒不我受利
刃按頸雷霆奔當前折檻色不變命在頃刻誰攀援昔時仲
尼魯司寇七日行戮端乾坤嗟哉此生志不就冥冥后土埋
其克漢家社稷變王氏張禹虛蒙師保恩卓然先見在物表
佞臣敗國誰復論我願乘雲款天閭巫陽掌夢招其魂立朝
寔譽辨邪正無復姦諛開幸門

和渙之深秋月夜書事

狄遵度

洞庭葉下涼颼颼凍天頑白凝不流圓月擬缺不忍缺輕露
欲浮終未浮憶吹朱籟鳳軒上更採紫芝雲嶠陬玉樓天半
幾千尺珠樹玲瓏懸上頭

雨

高林風怒雨聲黑小閣燈背人語闌誰知雲外月高照定是

葉間鶯最寒時覺急飄愁未已似聞徐滴喜初翻驪駒北首
榆關路天晴煙樹沙磧寬

道傍田家

司馬君實

田家翁媪俱垂白敗屋蕭條無壯息翁攜鎌索媪攜箕自向
薄田收黍稷靜夜偷舂避債家比明門外已如麻筋疲力弊
不入腹未議縣官租稅促

虎圖

王介甫

壯哉非熊亦非羆目光夾鏡當坐隅橫行妥尾不畏逐顧盼
欲去仍躊躇卒然一見心為動熟視稍稍摩其鬚固知畫者
巧為此此物安肯來庭除但恐盤礴欲畫時睥睨衆史如庸
奴神閑意定始一掃功與畫師同
論鑑錄
風颯吹黃蘆
用雖山崎野

壁黃昏後馮婦遙看亦下車

張良

留侯美好如婦人五世相韓韓入秦傾家為主合壯士博浪
沙中擊秦帝脫身下邳世不知舉國大索何能為素書一卷
天與之穀城黃石非吾師固陵解鞍聊出口捕取項羽如嬰
兒從來四皓招不得為我立棄商山芝洛陽賈誼才能薄擾
擾空令絳灌疑

寄贈胡先生

先生天下豪傑魁骨臆廣博天所開文章事業望孔孟不復
睥睨蔡與崔十年留滯東南州飽足藜藿安蒿萊獨鳴道德
驚此民民之聞者源源來高冠大帶滿門下奮如百蟄乘春
雷惡人沮伏善者起昔時躊躇今騫回先生不試乃能爾誠

今得志如何哉吾願聖帝管太平補葺廊廟扶頽披旒發
纊廣耳目照徹山谷多遺材先取先生作梁柱以次構架楠
與榱群臣南向帝深拱戴仰堂陛方崔嵬

雲山詩送孫正之

雲山參差碧相圍溪水詰曲帶城陴溪窮壤斷至者誰予獨
與子相諧嬉山城之西鼓吹悲水風蕭蕭不滿旗子今去此
來無時予有不可誰予規

贈陳景回

蘇明允

名洵眉州人號
老泉校書郎

岷山之陽土如腴江水清滑多鯉魚古人居之富者衆我獨
厭倦思移居平川如手山水感恐我後世鄙且愚經行天下
愛嵩岳遂欲買地安妻孥晴原漫漫望不盡山色照野光如
濡民生舒緩無天札衣冠堂堂什丈夫吾今隱居未有所更

後十載不可無聞君厭蜀樂上蔡占地百頃無邊隅草深野
闊足狐兔水種陸收身不幼誰知李斯顧秦寵不獲牽犬追
黃狐今君南去已足老行看嵩少當吾廬

有竇復者世居鎮我能道邊事

王陶

君不見鎮我德順弓箭手耕種官田自防守相圍置堡禦蕃
軍下視賊庭殊不有殺羊取骨燃艾灸試卜賊兵知入寇都
校招呼入堡齎居堡外重圍百里餘牆低城小不難破賊箭
如棚城上過堡中不及數十人且聞且罵且欣欣登陴斫門
謂平取應弦死傷已無數窓間走箭射酋豪一箭已聞哭聲
舉爭將錦囊裏賊尸鳴金收衆唯恐遲不惟城堡依然固吾
衆不傷毫與厘自從下戈動四鄙覆軍殺將曾無耻朝廷未
省遺邊功何事此勳不聞紀安得天兵百萬衆盡如此輩堅

且勇

大孤山

黃亞夫

彭蠡百年南國襟萬頃蒼煙挿孤岑不知天星何時落春秋
不書不可尋石怪木老鬼所附茲乃與水司浮沉鳴鳴大藤
樹下廟祭血不乾年世深舳舻千里不敢越割牲醢酒來獻
斟我行不忍隨人後許國肝膽神所歆落帆夜宿白鳥岸睥
睨百繞寒藤陰銀山大浪獨夫險比干一片崔嵬心宦遊遠
去父母國心病若有山水淫江南畫工今誰在拂拭東絹輕
千金

通判國博命賦假山

陳述古

去年水潦首穀死居民無食食糟糝州之餓者數千人黃巖
之民猶啜蕪穞寺之少出城郭皆藏積屋無居止粥妻棄子
人不售價例不復論羊豕白日市井聞號叫夜堆廊廡如蟲
豸縣官哀憐發賑救一飯纔得一盂爾出門未暇充喉咽已
有數十填溝水我時過之不忍顧徃徃悲咽曾填委豈無智
慮裨萬一遠地不得號君耳錢侯作倅忠且仁慈憐餓殍如
親子日開官廩與之食又令豪右發儲峙昨日持書曰轉運
披陳肝腎獻金矢更乞兵儲二萬斛民之大命方有倚侯從
新年作假山自聞民飢不得視非無泉石可盤樂人今方瘁
何能喜願侯勿遽愛此山念此膾臠存狐蟻天無疫厲五穀
熟生者保聚歸田里此山之石堅不堅將與侯德無窮已
尋隱者不遇 魏仲先 名野
尋真悟入蓬萊島香風不動松花老採芝何處未歸來白雲
滿地無人掃

文前百選卷之二十一

戲和答禽語

黃魯直

南村北村雨一犁新婦餉姑翁哺兒田中啼鳥自四時催人
脫袴着新衣着新替舊亦不惡去年租重無袴着

水仙花

凌波仙子生塵鞮水上盈盈步微月是誰招此斷腸魂種作
寒花寄愁絕含香體素欲傾城山礬是弟梅是兄坐對真成
被花惱出門一笑大江橫

題磨崖碑

春風吹船著浯溪扶藜上讀中興碑平生半世看墨本摩挲
石刻鬢如絲明皇不作包桑計顛倒四海由祿兒九廟不守
乘輿西萬官奔竄鳥擇栖撫軍監國太子事何乃趣取大物
為事有至難天幸耳上皇跼蹐還京師內問張后色可否外
間李父願指揮南內凄凉幾苟活高將軍去事尤危臣等春
陵二三策臣甫杜鵑再拜詩安知忠臣痛至骨後世但賞瓊
瑤詞同來野僧六七輩亦有文士相追隨斷崖蒼蘚對立久
凍雨為洗前朝悲

武昌松風閣

江山筼筍閣見事如夜闌箕斗插屋椽我來名之意適然老松
魁梧數百年所救今參天風鳴媧皇五十弦洗耳不須
菩薩泉甚好賢力貧買酒醉此筵夜雨鳴廊到曉
懸相看
僧早飢
時到眼前
驚濤可畫眠怡亭小篆蛟龍纏安得此身脫
托學舟載諸友長周旋

韓信一首

高才跨一世劉項存亡翻手耳終然不肯負沛公頗似
雍容得天意成臯日夜望救兵取齊自重身已輕躡足封王
能早悟豈恨淮陰食千戶雖知天下有所歸獨憐身與噲等齊
蒯通狂說不可撼陳豨孺子胡能為予嘗貴酒淮陰市韓信
廟前柏十圍千年事與浮雲去想見留侯決是非丈夫出身
佐明主用捨行藏要自知功名邂逅軒天地萬事當觀失意
時

韓生沈鷲非悍勇出跨下良自重滕公不斬世未知蕭相
自追王始用成安書生自聖賢左仁右義兵在咽萬人背水
亦書意獨駟市井收萬全功成廣武坐東鄉人言將軍真漢
將死狗烹姑置之此事已足千年垂君不見丞相商君周

秦國平生趙良頭雪白

杜子美浣花醉歸圖

拾遺流落錦官城故人作尹眼為青碧雞坊西結茅屋百花
潭水濯冠纓故衣未補新衣綻空蟠曾中書萬卷探道欲度羲
皇前論詩未覺國風遠干戈崢嶸暗寓縣杜陵章曲無雞犬
老妻稚子且眼前弟妹漂零不相見此公樂易真可人園翁
溪友肯卜鄰、家有酒邀皆去得意魚鳥來相親浣花酒船
散車騎野牆無主看桃李宗文守家宗武扶落日蹇驢馱醉
起願聞解兵脫兜鍪老儒不用千戶侯中原未得平安報醉
裏眉攢萬國愁生綃鋪牆粉墨落平主忠義今寂寞兒呼不
蘇驢失脚猶恐醒來有新作常使詩人拜畫圖煎膠續弦千
古無

送范德孺知慶州

乃翁知國如知兵塞垣草木識威名敵人開戶玩處女掩耳
不及驚雷霆平生端有活國計百不一試薶九京阿兄兩持
慶州節十年麒麟地上行潭：大度如卧虎邊人耕桑長兒
女折衝千里雖有餘論道經邦政要渠妙年出補父兄處公
自才力應時須春風旂旂擁萬夫幕下諸將思草枯智名勇
功不入眼可用折筆啓羌胡

送謝公定作竟陵主簿

謝公文章如虎豹至今斑斑在兒孫竟陵主簿極多聞萬事
不理專討論澗松無心古須臾亂天球不塚中粹温落筆塵沙
百馬奔刻談風霆九河翻胃中恢踈無怨恩當官持廉且不
煩吏民欺公亦可忍慎勿驚名而使水渾漢渾者舊今誰存駟

馬益徒紛紛安知四海習鑿齒挂笏看度南山雲

出城送客過故人東平侯趙景珍墓

朱顏苦留不肯住白髮政爾欺得人嬋娟去作誰家妾意氣
都成一聚塵今日牛羊上丘壟當時近前左右噴花開鳥啼
荆棘裏誰與平章作好春

月夜與客飲酒杏花下

蘇子瞻

杏花飛簾散餘春明月入戶尋幽人寒衣步月踏花影烟如
流水涵青蘋花間置酒清香發爭挽長條落香雪山城薄酒
不堪飲勸君且吸盃中月洞簫聲斷月明中惟憂月落酒盃
空明朝卷地春風惡但見綠葉柶殘紅

驪山

君門如天深幾重君王如帝坐法官人生難處是安穩何為

來此驪山中複道凌雲接金闕樓觀隱煙橫翠空林深霧暗
迷八駿朝東暮西勞六龍六龍西幸峨眉棧悲風便入華清
院霓裳蕭散羽衣空麋鹿來遊猿鶴怨我上朝元春半老滿地
落花無人掃羯鼓樓高掛
兩醯雞筑未就已堪悲
迷由來流連多喪國宴安
必驪山可亡國

荔枝歎

十里一置飛塵灰五里一墀

荔枝龍眼來飛車跨山鵲

一破_一驪塵滅血流千載

培至今欲食林甫肉無人與

崔顛圯仆谷相枕藉知是
枝露葉如新採宮中美人
棧來交州天寶歲貢取之
伯游我願天公濟赤

生无物爲瘡痛雨順風調百穀登民不飢寒爲上瑞君不
武夷溪邊粟粒芽前丁後蔡相籠加爭新買寵各出意今年
闔品充官茶吾君所乏豈此物致養口體何陋邪洛陽相君
忠孝家可憐亦進姚黃花

定惠院海棠

江城地瘴蕃草木只有名花苦幽獨嫣然一笑竹籬間桃李
漫山總麤俗也知造物有深意故遣佳人在空谷自然富貴
出天姿不待金盤薦華屋朱唇得酒暈生臉翠袖卷紗紅映
肉林深霧暗曉光遲日暖風輕春睡足雨中有淚亦悽慘月
下無人更清淋先生食飽無一事散步逍遙自捫腹不問人
家與僧舍拄杖敲門看脩竹忽逢絕艷照衰朽歎息無言措
病目陋邦何處得此花無乃好事移西蜀寸根千里不易到

文獻類考卷之十九
十一
嚙子飛來定鴻鵠天涯流落俱可念爲飲一樽歌此曲明朝
酒醒還獨來雪落紛紛那忍觸

號國夫人夜遊圖

佳人自鞚玉花驄翩如驚燕踏飛龍金鞭爭道寶釵落何人
先入明光宮宮中羯鼓催花柳玉奴弦索花奴手坐中八姨
真貴人走馬來看不動塵明眸皓齒誰復見只有丹青餘淚
痕人間俯仰成今古吳公臺下雷塘路當時亦笑張麗華不
知門外韓擒虎

河復

君不見西漢元光元封間河決瓠子二十年鉅野東傾淮泗
滿楚人恣食黃河鱸萬里沙回封禪罷初遣越巫沉白馬河
公未許人力窮薪芻萬計隨流下吾君仁聖如帝堯百

職河神驕帝遣風師下約束北流夜起澶州橋東風吹凍收
微涿神功不用淇園竹楚人種麥滿河淤仰看浮槎棲古木

鶴歎

園中有鶴馴可呼我欲呼之立坐隅鶴有難色側睨余豈欲
臆對如鵬乎我生如寄良畸孤三尺長脰閣瘦軀俛啄少許
便有餘何至以身爲子娛驅之上堂立斯須投以餅餌視若
無嗚然長鳴乃下趨難進易退我不如

與子由別於鄭州西門之外馬上賦詩一篇寄之

不飲胡爲醉兀兀此心已逐歸鞍發歸人猶自念庭闈今我
何以慰寂寞登高回首坡隴隔惟見烏帽出復沒苦寒念爾
衣裘薄獨騎瘦馬踏殘月路人行歌居人樂僮僕怪我苦悽
惻亦知人生要有別但恐歲月去飄忽寒燈相對記疇昔夜

雨何時聽蕭瑟君知此意不可忘慎勿苦愛高官職

送劉道原歸觀南康

吳嬰不滿六尺長高節萬仞陵首陽青衫白髮不自歎富貴
在天那得忙十年閉戶樂幽獨百金購書收散亡竭來東觀
弄丹墨聊借舊史誅姦彊孔韜不肯下曹操汲黯本自輕張
湯雖無尺箠與寸刃口吻排擊含風霜自言靜中閱世俗有
似不飲觀酒狂衣巾狼籍又屢舞傍人大笑供千場交朋翻
翩去畧盡惟我與子猶彷徨世人共棄君獨厚豈敢自愛恐
子傷朝來告別驚何速歸意已遂征鴻翔匡廬先生古君子
挂冠兩紀鬢未蒼定將文度置膝上喜動鄰里烹猪羊君歸
爲我道姓字幅巾他日容登堂

和錢安道寄惠建茶

我官于南今幾時嘗盡溪茶與山茗習中似記故人面口不
能言心自省爲君細說我未暇試評其略差可聽建溪所產
雖不同一一天與君子性森然可愛不可慢骨清肉膩和且
正雪花兩脚何足道啜過始知真味永縱復苦硬終可錄汲
黯少意寬饒猛草茶無賴空有名高者妖邪次頑穢體輕雖
復強浮泛性滯偏工嘔酸冷其間絕品豈不佳張禹縱賢非
骨鯁葵花玉鞞不易致道路幽險隔雲嶺誰知使者來自西
開緘磊落收百餅嗅香嚼味本非別透紙自覺光炯炯糝糠
團鳳友小龍奴隸日注臣雙井收藏愛惜待佳客不敢包裹
鑽權倖此詩有味君勿傳空使時人怒生瘦

韓幹馬十四匹

二馬並驅攢八蹄二馬宛頸鬣尾齊一馬任前雙舉後一馬

却遊長鳴嘶老鬣奚官騎且顧前身作馬通馬語後有八疋
飲且行微流赴吻若有聲前者既濟出林鶴後者欲涉鶴俛
啄最後一疋馬中龍不嘶不動尾搖風韓生畫馬真是馬蘇
子作詩如見畫世無伯樂亦無韓此詩此畫誰當看

贈寫御容妙善師

憶昔射策干先皇珠簾翠幄分兩廂紫衣中使下傳語跪捧
再拜聞天香仰觀眩晃目生暈但見曉色開扶桑迎陽晚出
步就坐絳紗玉斧光照廊野人不識日月角髣髴尚記重瞳
光三年歸來真一夢橋山松檜淒風霜天容玉色誰敢畫老
師古寺晝閉房夢中神授心有得覺來信手筆已忘幅中常
服儼不動孤臣入門涕泪滂元老俯坐鬚眉古虎臣立侍冠
劍長平生慣寫龍鳳質肯顧草間猿與獐都入踏破鐵門限
黃金白壁空堆牀尔來摹寫亦到我謂是先帝白髮郎不泚
覽鏡坐自了明年乞身歸故鄉

定惠院寓居月夜偶出

幽人無事不出門偶逐東風轉良夜參差玉宇飛木末繚繞
香煙來月下江雲有態清自媚竹露無聲浩如瀉已驚弱柳
萬絲垂尚有殘梅一枝亞清詩獨吟還自和白酒已盡誰能
借不辭青春忽忽過但恐歡意年年謝自知醉耳愛松風會
向霜林結茆舍浮浮大甑長炊玉溜溜小槽如壓蔗飲中真
味老更濃醉裏狂言醒可怕但當謝客對妻子倒冠落佩從
嘲罵

豆粥

君不見呼沱流澌車折軸公孫倉皇奉豆粥濕薪破竈自燎

衣飢寒頓解劉文叔又不見金谷敲冰草才春帳下烹煎皆
夷人萍蓬豆粥不傳法咄嗟而辨石季倫干戈未解身如寄
色想傳心已醉身心顛倒自不知更識人間有真味豈如
江頭千頃雪色蘆葦簷出沒晨煙孤地確春杭光似玉沙瓶煮
豆軟如酥我老此身無著處賣書來問東家住卧聽雞鳴
孰時蓬頭曳履君家去

答西掖諸公見和

雙猊蟠礎龍纏棟金井輓轡鳴曉甕小殿垂簾碧玉鈎大
立仗朱絲鞞風馭賓天雲雨隔孤臣忍淚肝腸痛羨君意
風生坐落筆縱橫盤走汞上樽日月寫黃封賜茗時時問
鳳閉門憐我老大玄給扎看君賦雲夢金奏不知江海
瓜屢費瓊璫重豈惟蹇步困追攀已覺侍史疲轉送
柳腰支活雨入御溝鱗甲動借君妙語發春容顧我風琴不
成弄

郭熙畫山水平遠

玉堂畫掩春日閑中有郭熙畫春山鳴鳩乳燕初睡起白波
青嶂非人間離離短幅開平遠漠漠疎林寄秋晚恰似江南
送客時中流回頭望雲巘伊川佚老鬢如霜卧看秋山思洛
陽爲君紙尾作行草烟如高洛浮秋光我從公遊如一日不
覺青山映黃髮爲畫龍門八節灘待向伊川買泉石

遊三遊洞

凍雨霏霏半成雪遊人屨冷蒼崖滑不辭携被岩底眠洞口
雲深夜無月

滄洲亭懷古

沈睿達

瀟水悠悠天際來夾江古木抱山回柵中人物不滿把日晏
市散多蒼苔九疑巉天古雲埋遙想帝子龍車迴心衰目極
何可望九歌寂寂令人哀

虞美人草

曾子固

鴻門玉斗紛如雪十萬降兵夜流血咸陽宮殿三月紅霸業
已隨煙燼滅剛強必死仁義王陰陵失道非天亡英雄本學
萬人敵何用屑屑悲紅粧三軍散盡旌旗倒玉帳佳人坐中
老香魂夜逐劍光飛青血化為原上草芳心寂寞寄寒枝舊
曲聞來似歛眉哀怨徘徊愁不語恰如初聽楚歌時滔滔逝
水流今古漢楚興亡兩丘土當年遺事久成空慷慨樽前爲
誰舞

任氏閱世堂前大檜

蘇子由

君家大檜長百尺根如車輪身弦直壯夫連臂不能抱孤鶴
高飛直上立狂風動地舞枝幹大雪翻空洗顏色人言此檜
三百年未知昔是何人植君家大夫老不遇一生直氣未嘗
屈沒身不說歸故里遺愛自知懷舊邑此翁此檜兩相似相
與閱世何終極汝南山淺無良材櫟杜棟椽聊障日便令殺
身起大厦亦恐無材無匹敵且留枝葉撲雲霓猶得世人長
歎息

寒夜

張文潛

暗空無星雲抹漆邑犬叫野人履霜歲云暮矣風落木夜如
何其斗插江屋頭眠雞正寂寂野縣嚴鼓先逢逢摩挲老面
起吹火春色林頭酒滿缸

謁客

入門投謁吏翩翩我非欲見禮則然異哉賓主兩無語客起
即走如避燃我已不恭愧昔賢忍使塗炭朝衣冠人生暫聚
鴻集川春風吹飛何後先

有感

群兒鞭笞學官府翁憐兒癡傍笑侮翁出坐曹鞭復呵賢於
群兒能幾何兒曹相鞭以為戲翁怒鞭人血流地等為戲劇
誰後先我笑謂翁兒更賢

比鄰賣餅兒

城頭月落霜如雪樓頭五更聲欲絕捧盤出戶歌一聲市樓
東西人未行北風吹衣射我餅不憂衣單憂餅冷業無高卑
志當堅勇兒有求安得閑

奉先寺

荒涼城南奉先寺後宮美人
拍下多石人秩早焚骨不作
作享亭朱門相向無人聲樹
樹宮中養文作子孫年：犢
破無人掃陵域官家歲給半
千錢街頭買餅作寒食

美哉

美哉洋：清潁尾西通天邑
耕田倍收米芒：陂澤帶平
戍兵處今人阡陌連丘墓今
柯高城回望鬱嵯峨豐年閭
馬來船一回首百年去住不
無千里舸舫大編起危檣淮穎
原古時溝澗還相連昔人屯田
年兩足種麥多北風吹桑鳴空
井聞笙歌河邊古隄多老柳去
出入歲暮天寒聊飲酒

二月見梅

唐子西

桃花能紅李能白春深何處
無顏色不應尚有一枝梅可是
東君苦留客向來開處當嚴
冬白者未白紅未紅只今已是
文人行肯與年少爭春風

燕思亭

馬子才

李白騎鯨飛上天江南風月
雨多年縱有高亭與美酒何人
一斗詩百篇主人定是金龜
老未到亭中名已好紫蟹肥時
晚稻香黃雞啄處秋風早我
憶金鑾殿上人醉著官錦烏角
巾巨靈擘山洪河竭長鯨吸
海萬壑負如傾元氣入曾巖須
吏百媚生陽春讀書不必破
禹卷筆下自有鬼與神我曹本
是狂吟客寄語溪山莫相憶
他年須使襄陽兒再唱銅鑿滿
街陌

暢道姑

秦少游

瞳人剪水腰如束一幅烏紗
裏寒玉超然自有姑射姿回看
粉黛皆塵俗霧閣雲窓人莫
窺門前車馬任東西禮罷曉壇
春日靜落紅滿地乳鴉啼

和黃法曹憶建溪梅花

海陵參軍不枯槁醉憶梅花
愁絕倒為伶一樹傍寒溪花水
多情自相惱清淚斑斑知有
恨春相逢苦不早甘心結子
待君來洗雨梳風為誰好誰
云廣平心似鐵不惜珠璣與揮
掃日落參橫畫角哀暗香消
盡令人老天分四時不相貸孤
芳轉盼同衰草要須健步遠
移歸亂插繁華向晴昊

題太乙真人蓮葉圖

韓子蒼

太乙真人蓮葉舟脫巾露髮
寒飈輕風為帆浪為楫卧看
玉宇浮中流中流蕩漾翠綃
舞穩如龍驤萬斛舉不是峯頭

十丈花世間那得葉如許龍一眠盡手老入神尺素幻出真天
人恍然坐我水仙府蒼煙萬頃波鄰、玉堂學士今劉向禁
直岩堯九天上不須對此醉心神會植青藜夜相訪

陶淵明寫真圖

謝幼槃

淵明歸去濤陽曲杖藜蒲鞵下幅陰、老樹嘯黃鸝
東籬紫菊世紛無盡過眼生事不豐隨意足廟堂之姿
老蓬草環堵蕭條僅容膝大白兀頤鈍懶詩書小兒嬌癡愛梨
栗老妻日暮荷鋤歸欣然一坐八共端室或詩未遣愁肝腎醉
裏呼兒供紙筆時、得句輒書之五言平淡用一律田家酒
熟夜打門頭上自有漉酒巾之農時問桑麻長提壺望盞來
相親一樽徑醉北窓卧蕭然口謂羲皇人此公間道窮亦樂
容貌不枯似丹渥儒林紛、心涵濁山林高義久寂寞假令

九原今可作舉公蓋輿也不惡

伐棘篇

路振知制誥

伐棘何所山之巔秋風騷騷棘子丹折根破抵堅且頑斲夫
越起汗汗顏橫鋒束芒趨道還稭之森森綠長藩暮冬號風
雪暗天漏寒不鳴守犬眠主人堂上多金錢東陵暴客來窺
垣舉手觸鋒身墮顛千矛萬戟爭後先襟袖結裂不可擅蹠
破指傷流血殷神離氣沮走踰蹶數尺之墻弗復攀索頭醜
奴搔河壩朔方屯師連七年木波馬領沙填填氣脉不絕如
喉咽官軍虎怒恩吼軒強弩一發山河穿將不叶謀空即安
翫養小醜成兇顛推芻挽粟徒喧喧邊臣無心靜國艱為余
諷此伐棘篇

墨染絲

郭功父

名祥正
殿中丞

綵絲自喜如霜白，輸入官家吏嫌黑。手持印競傳呼條，見長條染深墨。墨絲歸織家人衣，別買輸官吏。嗔遲寄，巨夷狄與三軍汝得豐，衣民苦辛。

浯溪

潘邠老

名大臨，寓居齊安，唐太僕卿季苜之後。

公泛浯溪春水，船繫帆啼鳥青崖邊。次山作頌，今幾年當時治亂，春風前明皇聰明真，晚謬乾坤付與哥奴手，骨肉何傷九廟焚，蜀山騎驢不回首。天下寧知再有唐，皇帝紫袍迎上皇，神氣蒼忙吾敢惜，兒不終孝聽五郎父子幾何不豺虎君臣寧能責胡虜，南內淒涼誰得知。人間稱家作端午，平生不識顏真卿，去年不答高將軍。老來讀碑淚橫臆，公詩與碑當共行，不賞邊功寧有許。歸詩一章猶敢語，兩淋日炙字未訛。千秋萬歲所陵多。

送董元達

謝無逸

讀書不作儒生酸，躍馬西入金城關。塞垣苦寒風氣惡，歸來面皴鬚眉斑。先皇召見延和殿，議論慷慨天開顏。謗書盈篋不復辯，脫身來看江南山。長江衮衮蛟龍怒，扁舟此去何當還。大梁城裏定相見，玉川破屋應數間。

鐵柱觀

豫章城南老子宮，堦前一柱立積鏤。云是旌陽役萬鬼，夜半昇來老蛟穴。挿定三江不沸騰，切勿搖撼坤軸裂。蒼苔包裹鱗皴皮，我欲摩娑肘屢掣。旌陽挈家上天去，只留千夫應門戶。西山高處風露寒，茲事恍惚從誰語。安得猛士若朱亥，袖往橫山打狂虜。

豫章別李元中宣德

舊聞諸李隱龍眠伯時已老元中少一行作吏各天涯故人
落落疎星曉西山影裏識君面碧照章江眸子瞭向來問道
渺多岐只今領略歸玄妙老鳳垂頭噤不語古木查牙噪春
鳥身在幕府心江湖左胥右律但坐嘯第愁一葉釣漁舟不
容七尺堂堂表我今歸卧靈谷雲君應紫禁管鶯花繞相思有
夢到茅齋細雨青燈坐林杪

聞徐師川自京師還豫章

九衢塵裏無停輶君居陋巷不出遊滿城惡少弋鳧鴈對回
故人風馬牛別後夢寒燈火夜歸來眠冷江湖秋馮驩老大
食不飽起視八荒提蒯緤

縱步湘江

張芸叟

名舜民邠州人號淳休居士右諫議大夫

今朝不易得天晴閑過江西取意行忽然林外見山色又向

橋邊聞水聲綠竹長松間挑

李天然翠幕圍羅綺日暮歸舟

醉不知晚風吹過湘江水

壯驕馬

許彥國

黃金絡頭玉為釧蜀錦障泥亂雲葉花間顧影驕不行萬里
龍駒空汗血露林秋粟飽不食青芻首着無顏色君不見東
郊瘦馬百戰場天寒日暮烏啄瘡

秋雨歎

霖雨不出動隔旬門前秋草長於人江湖浩渺欲無岸錦石
寂小猶生雲微陽片月何曾見只有莓苔昏筆硯田家黍穗
未暇悲茅屋且為螢火飛

早春偶題

崔德符

寒風浙瀝鳴枯葦小鴨睡殘猶未起更教細雨結輕寒坐聽

蕭、打窓紙石盆養蒲已抽翠雕斛栽花先弄紫擁爐閉閣
賦幽香未怕春冰生硯水

阻風雨封家市

李商老

往時李成寫驟雨萬里古色毫端聚行人深藏鳥不度便覺
非復鵝溪素龍眠老腕作陽關北風低草雲埋山行人客子
兩愁絕末信蒲萄能解頰兩郎了了解人意似是畫我封家
市戲作新詩排畫睡忽有野鴈鳴煙際

夢訪友生

李錡

少年結客長安城妄喜縱酒工章程支離老去一茅屋枕書
臥聞長短更友生相望止百里寒夜空窗無微聲夢中乘輿
取見戴剡溪聊爾扁舟行醫策遠、一榻上不用僮僕爭歡
迎吹燈弄筆欲書寄窓前白月方半亭

和李伯玉用東坡韻賦梅花

朱仲晦

北風日、灑江村歸夢正爾勞營魂忽聞梅蘂臘前破楚客
不愛蘭佩昏尋幽舊識此堂古曳杖偶集僧家園風陰春物
未全到邂逅只有南枝温冷光自照眼色界雲艷未怯扶桑
暎遙知雲邊溪上路玉樹十里藏山門自憐塵羈不得去坐
想佳處知難言但哦君詩慰岑寂已似共倒花前罇

用東坡韻賦梅花適得元復書因復賦此寄意

羅浮山下黃茅村蘇仙仙去餘詩魂梅花自入三疊曲至今
不受蛮煙昏佳名一旦異凡木絕艷千古高名園却憐冰質
不自煖雖有步障難為温羞同桃李媚春色敢與葵藿爭朝
暎歸來只有脩竹伴寂歷自掩疎離門亦知真意還有在未
覺浩氣終難言一杯勸汝吾不淺要汝共保山林罇

丁丑冬在温陵陪敦宗李又和東坡梅花詩昨日見
梅追省前事忽五年再和一篇呈諸友同賦

江梅欲破江南村無人解與招芳魂朔雲為斷蜂蝶信凍雨
一洗煙塵昏天憐絕艷世無匹故道窳實依山園自欣羞笛
娛夜永未要鄒律回春温連娟窺水墮殘月的皦泣露晞晨
暎海山清游記玉面衰病此日空柴門相逢不敢話疇昔能
賦豈必皆成言雕鑄肝腎竟何益况復制酒哦空罇

讀通鑑紀事本末用武夷唱和元韻寄機仲

先生諫疏莫與傳忠憤激烈號旻天却憐廣文官舍冷只與
文字相周旋上書乞得聊自屏清坐日對銅爐煙功名馳騫
往莫悔鈇槩職業今當專要將報公陛下聖矯首北闕還濟
狀屬詞比事有深意憑愚護短驚世仙言未秉大史筆自幸

已執留臺鞭果然敷遣六丁取香羅添匣浮桐川陰凝有戒竦
皇鑿陽刺欲盡生玄泉明年定對白虎殿更誦大學中庸篇

過平原縣

文宋瑞

平原太守顏真卿長安天子不知名一朝漁陽動鼙鼓大河
以北無堅城君家兄弟奮戈起一十七郡連盟賊聞失色
分軍還不敢長驅入咸京明皇父子得西狩由是靈武起義
兵唐家再造李郭力若論牽制公威靈哀哉常山慘鈞舌心
歸朝廷氣不折崎嶇坎軻不得去出入四朝老忠節當年幸
脫安祿山白首竟陷李希列希列安能遽殺公宰相盧杞欺
日月亂臣賊子歸何所茫茫煙草中原土公視于今六百年
忠精赫赫雷行天

赤壁風月笛圖

李之純

石純甫弘州人同書右司都事

鉦鼓掀天旗脚紅老狐膽落武昌果書生那得麾白羽誰識
潭蓋世雄裕陵果用軾為將黃河倒捲前西戎却教載酒
月明中船尾鳴一笛風九原喚起周公瑾笑煞儋州秃髮
翁

虞舜卿送橙酒

屏山持律不作詩硯塵筆秃繁絲枯腸燥吻思憂法當
以酒疏滯之何物督郵風味惡雄觸閑愁無處著苦思新釀
壓橙香世間那有揚州鶴乞詩送酒並柴門瀛洲仙裔令公
孫肺脹憤痒芒角出傾瀉長句如翻盆怪汝胸中雲夢大老
我眼皮危塞破徑呼短李與黔王快取錦囊收玉唾

中秋對月

蕭真卿

名音部出

咸陽人戶書謚文簡

去年中秋客神京露坐舉盃邀日明今年還對去年月北風

黃草遼西城年、月色長清好只有悲秋人易老兒童不解
憶長安歌舞團團繞翁媪人生宦游真可憐不知何處度明
年預愁老罷廢詩酒負此冰玉秋嬋娟我生萬事隨緣耳居
自無憂行亦喜君不見杜子閨中只獨看鄜州寂寞千山裏

雪谷曉裝圖

龐才

名構大興人號黠

翁仕至京兆運使

溪流咽、山昏、前山後山同一雲天公談笑玉雪噴散為
花蘂白絲、詩翁瘦馬之何許忍凍吟詩大清古老奴寒縮
私自語作奴莫比詩奴苦木僅石老鳥不飛山路益深詩益
奇老奴忍笑憐翁癡不知嗜好乃爾為楊侯曾中富在壑醉
裏筆端驅雪落因何不把此詩翁畫向草堂深處著

田器之燕子圖

田君才略燕雲客少年累有安邊策悔從筆硯取功名直要

橫馳沙漠北塞垣春雪白皚皚東風未放玄陰開烏衣之國
定何許一雙燕子能飛來三千驛舍安西道眼底鶯花無處
到忽見低飛入短簷此身似向邯鄲覺君居海東我中原相
逢乃在穹廬前天涯流落俱為客感時念遠空潸然長安何
限高閣晝夜風閑開翠幕底事猜嫌不往依甘從此地風
沙惡土人嗜肉無仁心一生一獵誇從命如有巢幸穩勿浪出
汝身未必輕千金朝來暮去益狎昵物我相忘情意一但怪
重裘積漸添元是西風催社日須知音巧惟鷓鴣忽來坐隅
如告辭我方留寓未歸得為君忍賦傷心詩成自述聊為
戲繫足封之亦無意燕已歸飛我未歸乃斗聲中忽驚歲旄
頭夜落妖氛收嫖姚凱歸神州玉關早喜班超入北海不
聞蘇武留君才經此寧終任

飛山怨

高獻臣

及瓜人間秋燕十來往沉官舍紅芳稀葛衣燕居澹忘機
忽聞巧語入簷戶大似相識來相依一飛簷外窺庭樹一上
屏山驚不去解足分明得帛書真是當年留別句天生萬物
禽最微固耶偶耶吾不知古道益遠交情醜朝恩暮怨雲遷
移當時握手悲別離一旦富貴弃如遺聞予燕歌應自疑慎
無示之嗔我譏

贈中山楊果正卿

李平甫

漢家自有飛將軍軍中駭嘆箭有神一朝乃與獄吏對惜無
千金書牘背手把屬鏤口嚙須號天者三我何辜伊吾壯志
長已矣不得提携王龍死可憐休唱白浮鳩至今秦人悲社
郵

士道彫喪愁天公陰霾慘，塵濛三冬不雪春未雨野桃
無恙城西紅春光為誰作駘蕩造物若我哀龍鍾數行墨浪
合眼死一包閑氣終身窮中山公子文章雄雅隨童稚為彫
蟲禰衡不遇孔文舉坡老懶事陳元龍維之與阿將無同乾
坤萬里雙飛蓬飄，南北東西風

長城

高仲常

名憲遼東人泰和二年登第

秦人一鍛連鷄翼六國蕭條九州一祖龍跋扈侈心開牛豕
生民付鎡礪詩書簡用一炬空欲與三五爭相雄阿房未了
蜀山兀石梁擬駕滄溟東生人膏血俱枯竭更築長城限寒
褐卧龍隱，半天下首出天山尾遼碣豈知亡秦非外兵宮
中指鹿皆庸奴驪原宿草猶未變咸陽三月為丘墟黃沙白
草彌秋塞唯有坡陀故基在短衣匹馬獨歸時千古興亡成

一慨

沁源山平

王正之

名特起代州軍事參軍

野夫不識武城宰問之無言色微改但說今年秋雨多黃瓦
滿谷無人采踏徧西城錦石盤暮投佛屋解征鞍隔林依約
見燈火山谷人家初夜寒

雜詩

李天英

名經大定人

塵埃汨沒伺候工離騷不振矜魚蟲風雲誰復話著蔡
履絺哀暑龍，戕擗管坐書空吟嘍堂上酣歌鐘乃知造物
戲兒童不妨遠目送歸鴻莫怪魏瓠無所容此去未許江
東五經不掃途轍窮門庭日月生皇風太阿剖室礪以石
掃鶴鶴搖天雄

跋范寬秦川圖

麻知幾

名九疇莫州人權太常博士

山水人傳范家筆畫史推尊為第一場來因看秦川圖天下
丹青能事畢天山巖如國君小山鬱如陪臣大石盤
社與稷小石落士與民一山一形似爭長一石一態如布
軍想君胷中有全秦見鑿削鑿乃真掌上長安近於日千
樹萬樹生青春憶昔岐山鳳皇語葱柝械霏新雨昆夷束
手密須降不見功勳見歌舞昔金鑄牛西入焚五丁雲棧通
中國驪山宮闕九天高六處屋宇走銜壁不信詩書信法家
關東半被魚書惑盡卷圖籍亦笑好五十年克都一掃章邯
董翳舉如毛沐猴冠委金陵首原兵自天而下漢室傾顏
如鮮瓦祁山六出縱無功渭水猶堪飲君馬龍蟠老將骨未
朽草付那能濟陽九枝濇坡嶽抵歲星歸來鹿死何人手神
武空矜賀六渾投機常落周人後竟令馮翊軟沙邊東風一
夜吹新柳侵尋卓角相料理拋擲龍津浮汴水鷓頭過處已
非隋不覺晉陽人姓李華清高宴夏宮梧舞馬如何護兩都
縱得青驪還蜀道贖得沙場白骨無興亡自取不足吁可憐
神州為盜區貪徵往古山川事却題詩賞畫圖

夏日

亭柯碧合龍蛇影睡起轆轤鳴曉井一簾曉雨捲不晴槐花
滿地黃金冷屈指西風又到門相惡團扇欲生塵何時萬戶
垂楊裏高揖金鞭逢故人

昆陽元夜南寺小集

雷希顏名淵監
察御史

春自短生蘭芽東風嫺吹芳華暗黃著柳小梅素月姊
新年恰十五東皇太一來翩竹宮神光祀甘泉茂陵弓劍
沒秋草鳳燈煌空自然當年曼衍魚龍舞回頭昭陽化飛

土昆陽客舍冷于冰
破殿蕭條佛燈古
雪消梁苑想春紅
車如流水馬游龍
銀鉞載酒隨春風
酒酣一爵百盃空
韶華過眼弦上箭
人生得酒從歡醺
北斗闌干夜參半
耿耿疎星淡河漢

餐秀軒

王仲澤

名澤樞 密右司

秋風幾日搖霜
越秋色南山兩
奇絕野人窓戶
終日開要看
千秋秦嶺雪
層崖深谷相吐
吞落日白鹿東
南奔野花雙塔
古蘭若樓觀縹
渺煙霞昏玉山
生玉人不識草
木四時空好
色輞川舊與藍
橋通細水至今
流石室一川黃
葉長安秋望
望不見令人愁
書生不是濟時
具收得閑身
成此遊主人開
筵留客醉山雨
多情濕征袂
明朝騎馬上七
盤迴首山家但
空翠

弔張器之

張吉甫

名建蒲城人絳州教官 應奉翰林院蘭泉老人

惜哉器之真丈夫
少年讀遍天下書
一事不成死於途
苗而不秀有笑夫
秀而不實有笑夫

醉中

侯君澤

名丹

爛醉歸來驢失脚
破靴指天冠
倒卓起來白眼
望青天狂氣
崢嶸無處著
陶潛止酒意
有在舖糟醪
醪良未害君
看謝奕對桓温
得失老兵何足
怪螟蛉螺贏
侍二豪飲中
寧有山家
濤平明徑訪陳
驚坐相對春風
把蟹螯

學古體

桐風吹月烏啼
井蟾波濕露沉
雲影素絲牽
玉轉泉華美人
睡覺燕支冷
銀鈎掛簾北
牕曉翠鬟臨
鏡雙鸞小黃衫
少年望不來
寂寂庭堦滿
春草

秋夜長 王飛伯 名樹爵

秋風嫋嫋吹庭樹傷心一葉隨風去葉隨風去何所之似我
年、困羈旅神繆紆屈泥中蟠青雲未到誰汝吟愁來不寐
起視夜斗柄斜指西南天

折揚柳

長安二月多綠楊遠信未到龍庭旁佳人中夜抱影坐風態
冷、愁思長青天無雲一鏡潔萬戶千門音響絕何人橫笛
在高樓玉龍叫徹春江月

贈石德固

張林卿 名翰秀容人 戶尚書

西湖之月清無塵橋中之樂猶避秦向來所見止此耳渠亦
豈是真知津如君眼孔乃許大萬事付之塵甑墮兒能詩書
又肯播著脚世間堪路破青巾玉帶桃李花日斜空望紫雲
車布衣誰識隱君子一馬瘡然何處家

感懷

張元佐 名温上 黨人

彌月不出門出門沙漲東風昏老樹擺撼轟雷奔鬼物叫嘯
山前村僑居客子驚心魂歸來遶屋尋蘭蓀蘭蓀落索靈苗
斃主人醉倒老瓦盆衣袖半帶淋漓痕芸芸蕭艾同歸根天
生天殺何怨恩糟床與翁共清渾絕勝被髮叩帝閭

龔平甫森玉軒

孟友之 名宗憲開封人 同知單州軍州事

古人借宅亦種竹大是饕餮心未足高齋聞有萬琅玕坐對
懷山飲秋綠官閑勝日無一事尊酒不空仍有肉他時剝啄
叩君門高枕矮床容我宿

無餘居士齋壁有沈傳師游道山岳麓詩石刻穆仲
等和之因亦次韻 李欽用 名獻甫鎮南 節度副使

湘西勝景豈易論群山騰闖萬馬奔鶴泉一麓騫鵬噉松風
十里藏祇園當時侍御偶題寫筆力孰敢爭雄尊東京少年
妙詞藻南陽舊族齊陰樊天心月脇出奇語使我展讀忘朝
昏差々文劍隱一敵落々旗鼓嚴千屯無餘居士厲幽志細
研六藝方專門凍解嬌兒慣腸寬啼飢瘦婦餘淚痕惟君德
義久相愜每窮道妙角與根他人勸酒驚逐魂二子頗酌勤
空樽醉中詩成渺江海風外幡影徒飛翻卷藏篋笥已戢戢
風生襟袖何軒軒嗟乎我亦有餘腐陋北羊政囚華元

劉善長出示李伯時畫馬圖朱少章名弁吉州團練使

俯首舉尾拳一蹄掣韁欲嗅驕不嘶奚官聳肩兩足垂意兒
自與造父齊雞目麟鬣鳳呈臆玉山永遠未容食爾雲追雷
有餘地置之畫圖人豈識精神權奇孰可班當在白兔青龍

問君知此馬從何來龍眠肖中十二間

謝崔致君餉天花

三年北饌飽羶葷佳蔬頗憶南州味地菜方為九夏珍天花
忽從五臺至崔侯肖中散千卷金甌名相傳雲裔愛山亦如
謝康樂得此携歸豈容易應怜使館久寂寥分餉明々見深
意堆槃初見瑤草瘦鳴齒稍覺瓊枝脆樹雞濕爛慚扣門來
蟻青黃謾趨市赤城菌子立萬釘今日因君不知貴乖龍耳
僅免一割沙門業已通三世偃戈息民未有術雖復加食祇
增媿雲山去此縱不遠口腹何容更相累報君此詩永為好
捧腹一笑萬事嘗

黃石廟 趙濟甫名滋亦人

狂豪擊車代無人神石一砥志乃信吹噓風雲渡楚秦炎精

熾然四百春一編尚悒續後塵江山有待終此身望之
久愁橫目民朝陽淒、霜未休江燕竟來江北游山回鼎移海橫
流天風何時清九州草泥自古踰王侯神奔不歸誰當羞
割牲釀酒空千秋
榴花 元德明秀容人號東嶽
吹山之後
山茶赤黃桃絳白戎葵米囊不入格庭中忽見安石榴嘆息
花中有真色生紅一撮掌中看模寫雖工更覺難詩到黃州
隔千里畫家辛苦費鉛丹

謝張使君夢弼餽春肉

牙豬肋厚一尺玉鹽花入深蒸脫骨非芽蓼甲春滿盤走送
茅齋慰幽獨山人食貧才一粥幾被艾生朝首宿食前方丈
非素懷頗憶懸瓠繞高屋呼來鄰叟心一飽為說使君方維
肉飢民待哺今幾家無策贊在梅北區、一肉見歌詠
食書生良未足却愁今夕夢寐間有物踏破園蔬綠

從趙敷道覓石榴

仙人囊中五色露得種昔與蒲桃俱猩、染花開五月已寬
秋實懸庭除張園一酸齒欲裂君家兩株蜜不如竹馬兒童
厭梨栗綠囊聊為剝紅珠

仙雞詩

老雄健鬪夸擅涉韓郎抱歸神色揚豈知黠兒出微倖毒手
一發不得妨毳毛散灑尚可養利嘴一哆何由張青囊道人
何許來自言椽藥吾有方垂髯嘆水濯殘血半啄隨手生新
黃筠籠羊開聞臍臍草冠已往徒驚忙神仙世有寧虛荒惜
執詭激不可量世人鷲勇天且剽况於物也資強梁敷榮枯
枿變金石未若與世鍼膏育何須變化示狡獪知君辨作淮

南王蓬萊東望雲茫茫愛而不見心為狂刀圭不願換凡骨
且欲共醉無何鄉

梁忠信平遠山水

劉無黨

憶昔西游大梁苑玉堂門閉花陰晚壁間曾見郭熙畫江南
秋山小平遠別來南北今十年塵埃極目不見山烏靴席帽
動千里只慣馬蹄車轍間明窓短幅來何處亂點依稀澗寒
具煥然神明頓還我似向白玉堂中住濛濛煙靄樹老蒼上方
樓閣山夕陽一千頃碧照秋色三十六峰巖巖光懸崖高居
誰氏宅縹緲危欄陰青樾定知枕石高卧人常笑騎驢遠遊
客當時畫史安定梁想見泉石成膏肓獨行妙意寄毫楮我
愧雨立隨諸郎此行真成幾州錯區區世路風波惡還家特
作發願文件我山中老猿鶴

連日雪惡用聚星堂雪詩韻

朔風朝來放雲葉絲絲吹落龍沙雪山河大地同一如變化
須臾亦奇絕參天松頂老猶強搶地竹頭低欲折亂飄書帙
愛窓明狂入地爐驚火滅書案上方擁膚尚粟凍筆將書肘先
掣未容衰白點眉華只許醉紅生面緜何人清唱墮梁塵有
客高吟霏錫屑昔賢句法今尚在斷臂阿誰心地警後生曠
世安敢望故事歷劫徒能說是中聖處公會無一粒靈丹工

題十眉圖

寶箱拂塵金鋸鉞周昉丹青見真筆春風自憶賦妖嬈人共
畫圖成十一燭奴香底花光疑錚錚鐵響聞三更車聲響
不通語眼態波橫空送情蠻雲盤鶴遼天闊犀玉依對言
扎人生何處不相逢還醉武陵溪上月

郭熙秋山平遠用東坡韻

槐花忙過舉子閑
舊遊憶在夷門山
玉堂會見郭熙畫
拂拭練素塵埃間
楚天極目江天遠
楓林渡頭秋思晚
煙中一葉認扁舟
雨外數峰橫翠巘
淮安客宦踰三霜
雲夢澤連雲漢
陽平生獨不見
寫本慣飲山綠
滄湖光老來思
歸真日夢想林泉
對華髮丹青安得此
一流盡我橫筇水中石

金山

党世傑

我從渡淮涉高郵
雪風連日吹行舟
維揚地西關夜色星月
隱見邊城樓
晴光破曉射瓜步
照曜玉宇開瓊洲
馮夷收威浪安帖
容我一到金山頭
金山勝槩冠吳楚
萬礎礪峙江中流
平生夢寐不到處
乃以王事從私游
鍾山雨花落眼底
海門鶴崖波際浮
川開林闔望不極
但見遠色明輕鷗
風煙渺漭

異吾土行役有程難
之留一杯未舉帆影轉
已看浙樹梢旗旒

趙飛燕寫真

昭陽宮裏千蛾眉
中有一人輕欲飛
姊妹寅緣特新寵
六宮鉛粉無光輝
春回太液花如繡
花底輕風扶翠袖
君恩不許作飛仙
壁積宮裙留淺皺
君王貪宴溫柔鄉
木門不省搖倉琅
避風臺成略今古
空使遺妬驚霓裳
當年傾城復傾國
誰寫餘妍入丹碧
背燈擁髻一潸然
不應尚有樊通德

底柱圖

周德卿

鬼門幽險深百篙
人門過窄逾兩牢
舟人叫渡口流血性命
咫尺輕鴻毛
開圖頓覺風雷怒
素髮飄蕭激衰腐
河來天上石不移
安得此心如底柱

吊張益之

當年讀書山堂中夜喜與君燈火同塵編壞簡如蠹攻弱質
鄙鈍煩磨礪新詩如洗露芒鋒洗氣欲倒浮雲駭輕裘肥馬
世上雄吾徒一飯嘗未充君如孔翠愁彫籠我亦哀鴻避鳴
弓孤城一別天西東幾見黃葉飛霜風寄書無由魂夢通而
望落日銜千峰他時雲雨儻相逢猶似驚雷起池龍鬼神無
賴欺天公哀哉若人竟死窮自聞君亡阜生宵上訴九關無
路從百年過眼如轉蓬夢時憂樂覺即空長夜漫之何時終
作詩寄哀投殯宮

和崔深道春寒

趙文孺名淵禮 郎中

長風忽落青林端風聲洶若江聲寒太陰盤礴亂天序推書
撲筆成長嘆美人何許媚幽獨使我不見心無歡願聞隱居
誦莊屈蓬窓坐擁塵編殘琴歌酒賦兩窳賈懸知此興殊未
闌遲君一來吐欬要舉盃放目雲天寬

西城觀水

西山秋水來天地巨野橫流浩無際長風颭浪鱗甲生兩角
斜分半山際縹緲北去接飛橋鼓鼙洶翻驚濤中流突兀玉
山起直疑河伯驅靈鱗冷光搖蕩秋雲白渾似夢中游震澤
隔林我欲喚漁郎孤帆忽如過鳥翼安得酒船常拍浮四時
甘味置兩頭何人與我同此樂頴陽試覓元丹丘

暮春郭南

王逸賓名隱 梁人 士博

大梁城外孤臺傍煙昏水碧春林芳憑高極目見歸鴈風物
令人思故鄉紫金山下斜陽暮萬里川光照雲樹山間細雨
花落時何人來往東風路

猴馬

陳無已

沐猴自戲馬自驚
園人未解猴馬情
猴其天資馬何罪
意欲防患猶傷生
異類相宜亦相失
同類相傷非所及
志行萬里困一誤
吐豆齧芟甘伏櫪

蠅虎

物微趣下世不數
隨力捕生得稱虎
匿形注目搖兩股
卒然一擊勢莫禦
十中失一八九取
吻間流血腹如鼓
却行奮聲吾甚武
明日淮南作端午

效山谷體

胡元任

名仔號茗溪漢臨宋宣和間官建安

青玻璃色瑩長空
爛銀盤掛屋山東
晚涼徐度一襟風
天分風月相管領
對之枝癢誰能忍
吟哦自恨詩才窘
掃寬露坐發興新
浮蛆琰拋青春不妨
舉醖成三人

白菊

宇文通

西風蕭颯百草黃
南齋白菊占秋芳
主人好事不專饗
擬送客館分幽香
幽香清豔兩難得
冰雪肌膚龍麝衰
情然坐我藥珠宮
玉斧瑤姬皆舊識
仙家藝菊名日精
我今號爾為月英
月中風露秋夕好
感此仙種來曾城
憑君傳與金天令
月與霜姿駐清景
重陽好伴白衣來
五柳先生憶三逕

還舍作

燕山歸來頭已白
自笑客中仍作客
此生悲歡不可料
况復吾年過半百
故人驚我酒尚狂
為洗蟬蠹貯春色
酒闌人散月盈庭
靜聽清渠流泚泚

復用九日詩韻呈黃壽鵬

朱師美

名之才洛西二鄉人崇寧諫官

忽夫星二十九
當年曾醉瓊林酒
春風射策紫垣深
猶記靈

和殿前柳與君雖異千佛名出入南宮同戶牖春蠶食葉七
千人看君運筆如揮帚妙齡忠氣軼衡蒿餘子紛々真培塿
那知晚節依陽城白髮蒼顏兩閑叟君材有如萬斛舟顧我
碌才宵斗時窮壯士或飯牛遇合封侯起屠狗東臯有田供
王賦天寒且輟扶犁手寂寥圭竇對書冊火冷燈青夜方久
先生乘興肯相過亦有青蚨沽玉友

自鄜州罷任歸宿澠池道中有虎為暴 朱好謙

峭山之阿澠之澣行路蕭條正艱阻日落山空澗水哀市門
靜閉防飢虎前年張茅殺餉婦今歲食驢斷行旅我來萬里
逐一官安可不戒為汝脯晝持弓矢夜枕戈靜匿兒童防突
語白額將軍莫笑人世無劉琨當畏汝

浙江亭觀潮 任君謨名詢易

海門東望滄溟闊潮來怒捲千尋雪浙江亭下擊飛雲蛟蜃
爭馳奮鬣鬣鉅鹿之戰百萬集呼聲響震坤軸立昆陽夜出
雨懸河劍戟再衝潰尋邑吳儂稚時學弄潮形色沮懦心膽
豪青旗出沒波濤裏一擲性命輕鴻毛須臾風送潮頭息亂
山稠疊傷心碧西興浦口又斜暉相望會稽雲半赤詩家誰
有坡仙筆稱與江山作勅敵援毫三叫句不成但覺雲濤滿
青臆

晚夏驛騎再之涼陘觀獵山間往來十有五日因書

成詩 蔡伯堅名自號蕭閑若人

兜羅蕊鬱浮空青曉日馬頭雙眼明名山不作世俗態千里
傾蓋來相迎老松閱世幾千尺玉骨冷風戰天碧應笑年年
空往來塵土勞生踵陳迹山回晚宿一川花剪金裁碧明煙沙

寒鄉絕艷自開落欲慰寂寞無流霞明日行營獵山麓古樹
寒泉更深綠強臨冰玉照鬢毛只恐山靈怪吾俗陂潮不盡
水如天清波白鷗自在眠平時朝市手遮日思把一竿呼釣
船驛騎回時山更好過雨秋容靜如掃山英知我宦游心為
出清光慰枯槁可憐歲月易侵尋慙愧山川知我心一行作
吏豈得已歸意久在西山岑他年俗累粗能畢雲水一區供
老佚舉盃西北醉山川為道此言吾不食

醫巫閭

蔡正甫

名珪松年之子
官至禮部郎中

幽州北鎮高且雄倚天萬仞蟠天東祖龍力驅不肯去至今
鞭血餘殷紅崩崖暗谷森雲樹蕭寺門橫入山路誰道營丘
筆有神只得峰巒兩三處我方萬里來天涯坡陀繚繞昏風
沙直教眼界增明秀好在嵐光日夕佳封龍山邊生處樂此
山之間亦不惡他年南北兩生涯不妨世有揚州鶴

保德軍中秋

定羗城下河南流定羗城上三層樓使君置酒勞行役今夕
何夕當中秋孤煙落日明天末洶湧碧雲俄暮合惺惺騎馬
雨中歸造物戲人無乃虐統如戍鼓方三更夢回一室還虛
明出門驚笑遽如許浮雲四卷秋天清誰家高會舉珠箔笑
語聲從雲外落倦客明朝又短亭行人何似居人樂

秋日書事

馬子卿

名定國監察御史翰林學士

南山悠悠去天尺雀寒未晚爭投棘野人籬落不勝荒溪欲
絕流堆亂石小園蔬藥知有無未免杖藜煩兩屐霧濛甘菊
細莖紫風動牽牛晚花碧鄰舍翁歸竹几空秋天日落松窗
寐小盃翻酒足自娛閭巷浮沉真可惜

文翰類選大成卷第二十九

文翰類選大成卷第三十

左長史上海李伯璵編輯
伴讀四明馮厚校正

詩類七言古

元

鄧州城樓

元裕之

鄧州城下湍水流鄧州城隅多古丘
隆中布衣不復見浮雲西北空悠悠
長鯨駕空海波立老鶴叫月蒼煙愁
自古江山感遊子今人誰解賦登樓

結楊柳怨

長樂坡前一杯酒鄭重行人結楊柳
可憐楊柳千萬條看看盡入行人手
輕煙細雨綠相和惱亂春風態度多
路人愛此

風流樹無柰朝攀暮折何朝攀暮折何時了不道行人暗中
老素衣今日洛陽塵白髮明朝塞城草柳色年年歲歲青關
情何事管離情春風誰向丁寧道折盡柔條莫再生

吊故宮

杜文玉 名瑛號絳山

月上觚稜椒壁濕飢鳥啄碎琅玕石劫灰飛盡海揚塵廢殿
荒臺土花碧洛陽書生沐異客一夜秋風頭欲白尊中賴有
酒如泉醉倚寒窓破愁寂

巨源相過話舊有感

王般若

中統三年春二月變起青齊帶吳越鯨鯢轉側海波翻城郭
橫尸野流血我時幸苦賊中來兵塵模糊眼不開妻孥棄捐
豺虎口飛蓬飄轉無根芟大寒日暮赤河縣破驛荒涼絕
驃騎行驛馬鈍如蛙官吏散逃無處喚與君此地忽何處

臺郎官氣執雄憫我白頭遭亂壯我臨難全孤忠急呼驛
吏具鞍馬使我厄路還亨通明晨相隨濟南去出入條侯營
壘中死生契濶不相棄起居飲食常相同標山華注日在眼
綿歷春草及秋風四郊斫木桑柘盡藥源飲馬波濤空兗渠
腰領官野草始見齊魯收烟烽巨源巨源君且坐我欲高歌
君可和往事回頭十五年猶想離魂招楚些身逢喪亂百憂
纏生不成名空老大我依破硯竊恩榮君佐雄藩收最課流
萍暫聚不多時且喜相看顏一破我衰無力訪君難願君有
暇頻相過

有懷梁仲經父

楊煥然 名貞

美人熒熒在何處海闊天低隔烟霧珊瑚零落芙蓉空咫尺
相望迷去路翠釵金輿雙鳳風吹環佩聲琅琅壺觴狼籍

事已往一目萬里愁茫茫。劉郎竟是誰家客。歲晚霜華綠葉
赤。美之。在何處。鴨綠江頭江月白。

渡白溝

劉夢吉

東北天高連海嶼。太行蟠。如怒虎。一聲霜。雁界河。秋感慨。
孤懷幾千古。只知南北限。長江誰割鴻溝來。此處三關南下。
望風雲。萬里長風見。高舉萊公灑。落近。雄才顯。德千年亦英。
主謀臣。史臣強解事。在著渠頭汗。吾鼓十年鐵。硯自庸奴五。
載兒皇。安足數。當時一失榆關路。便覺燕雲非我土。更從晚。
唐望沙陀。自此橫流穿一縷。誰知江北杜鵑來。正見海東青。
鳥去漁陽。過鼓鳴也。中鷓鴣。飛滿梁園樹。黃雲白草西樓暮。
木葉山頭幾風雨。只應漠。黃龍府。比似愁岡更愁苦。天教。
遺壘說向人。凍雨頑雲結。凄楚古。轉幽燕。多義烈。嗚咽泉聲。
瀉餘怒。仰天大笑東風來。雲放殘陽指歸渡。

宋理宗書宮扇

天津月明啼杜鵑。梁園春色凝寒烟。傷心莫說靖康前。吳山
又到繁華年。繁華幾時春。已換千秋萬古合歡扇。銅雀香銷
見墨痕。秋去秋來幾恩怨。一聲白鴈更西風。冠蓋散為煙霧
空。百錢襪錦天。留在禍胎要鑿驪山宮。當時夢裏金銀闕。百
子樓前無六月瓊枝秀。發後庭春珠簾晴捲。天門雪棹歌一
曲白雲秋。不覺金人淚暗流。乾坤幾度青城月。扇影無情也
解愁。五雲回首燕山北。燕山雪花大如席。雪花漫漫水峩峩。
大風起兮柰爾何。

登荆軻山

兩山嶢嶢補天色。中有萬斛江聲哀。入言此地荆軻館。尚餘

廢壘山之隈太子西來函關開誰信生兒爲禍胎筆頭斷取
江山去已覺全燕如死灰馬遷尚俠泚史才淵明憤世傷幽
懷春秋盜例久不舉紫陽老筆生風雷遺臺古樹空雀鬼平
燕落日寒煙堆紛紛此世亦良苦今古燕秦經幾回憂來徑
欲浮蓬萊安得曾連同一盃碣石東頭喚羨門六鰲載我三
山來

幼安濯足圖

漢家無復雲臺功生平不識大耳公眼中天意鏡中語此身
只有扁舟東關東諸公亦英雄百年能辨山陽封歸來老栢
號秋風世路悠悠七十翁乾坤故物兩足在霜海浮雲空復
空無刀可斷華太尉有死不爲丕太中丹青白帽凜冰雪萬
山目送冥飛鴻爲問蘇家好兄弟萬古北海誰真龍

歸去來圖

淵明豪氣昔未除翱翔八表凌天衢歸來荒徑手自鋤荳中
恐皇劉寄奴中年欲與夷皓俱晚節樂地歸唐虞平生磊磊
一物無停雲懷人早所齒有酒今與靡通浩眼中之人不可
呼哀歌撫捲豈嗚嗚

采菊圖

天門折翼不再舉拍手四海橫流前長星飲汝一盃酒留我
萬古羲皇天廟堂袞袞宋元勳誰信東籬有晉臣南山果識
悠然處不惜寒香持贈君

淵明歸來圖

盧處道

留侯晚歲游赤松武侯早歲稱卧龍亡秦扶漢聲隆隆淵明
初非避俗翁兩侯大節將無同陽秋特書晉甲子辭鋒時露

長沙雄王弘何幸奉吾足
督郵能芥平生習門前五柳春
濛濛洛絮不與江波東環堵
蕭然吾未窮北牕儘有羲皇風
畫圖不盡千古意詩成一笑浮雲空

過黃陵廟 李季構名材

黃陵廟前湘水綠天寒漁郎唱巴曲
沙棠舟上月蒼蒼翠蛟白蜃江茫茫
似聞清愁五十柱萬里鴻飛楓葉暮
神鴉翻舞祠門開珠裳玉袖霑莓苔
玄猿晝啼蘿薜影赤鱗夜去芙蓉
冷北渚淚痕斑竹紋南風哀思蒼梧雲
山頭古桂秋露碧山下江流豈終極
荒涼揭車雜杜蘅靈風自吹煙霧旌
輕帆晚向芳洲泊聊薦蘋蘩奠蘭酌
沅有汜兮湘有沱洞庭木落生

書波裴回獨詠騷人歌

送孟脩兄南歸

虞伯生

老兄五月來作客八年不見頭絲白
五人兄弟四人在在母憶中郎淚霑臆
我家蜀西忠孝門無田無宅惟書存
兄雖管庫實父蔭弟竊餘澤承君恩
文章不如仲氏好叔氏最少今亦老
土郎十歲未知學嗟我胡爲長遠道
諸兒讀書俱不多又不力耕知奈何
憂來唯得二三友看花把酒臨風歌
蜀山嗟峨歸未得盤盤先隴臨川側
碧梧翠竹手自移應與青松各千尺
南風吹雪河始冰兄歸烏帽何累累
明年乞身向天子共讀父書歌太平

金人出塞圖

海風吹沙如捲濤高爲陸磧深爲壕
築壘其上嚴周遭名王專居氣振豪
肉食渾飲田爲遨八月草白風颼颼
馬食草實輕骨毛加弦試弓復置橐
今日不樂心恹恹什什伍伍呼其

曹銀黃免鵝明繡袍鵝鳴小管隨鳴靴背孤向虛出北臯
海東之勢鳥王不驕錦鞞金鍔紅絨條按習久蓄思一超是時
晶清天醫翳絕駕鴛鴦東來雲帖帖去地萬仞天一瞥離婁屬望
目力竭微如聞音鷲一掣束縛上不回折遂使孤飛一片雲
頃刻平蕪洒毛血爭誇得雋頓足悅旌旗先歸向城闕落日
悲風起蕭屑烟塵滿城鼓微咽大酋要王具甘蠶王亦欣然
沃焦熱闕支出迎騎小賦琵琶兩姬紅顴頰舞歌迭進醉燭
滅穹廬斜轉氍毹月

董元夏景山口待渡圖

董元夏山河可得嘉木千章鐵作畫層巒總舍兩氣潤百谷
正受川光溢犬牙洲渚善泐洄滄江散落碣石開山田何處
無耕鑿尋源不得還徘徊柳下行人將有適臨流不度心爲

側我楫孔既上舟孔安奉身以濟諒非難

爲達兼善御史題墨竹

蜀道荒涼多古木蒼蒼千尺相因依少年慣見今白髮杜宇
夜啼歸老可嘗作陵州守古墨蛟龍多入手春雷每恐
破壁去神鼎空令變魅走丹丘越人不到蜀脩葉何以能縱
橫內府人家爛漫寫使可見之心亦驚江南御史龍頭客暫
別那能不相憶知君深識篆籀文故作寒泉溜崖石

子昂墨竹

吳興畫竹不欲工腕指所至生秋風古來篆籀法已絕止有
未葉彫蠶虫黃金錯刀交屈鐵大陰作雨山石裂蛟龍起陸
真宰愁雲暗蒼梧泣湘血吳興之竹乃非竹吳興昔年面如
玉波濤浩蕩江海空落月年年照秋屋

題柯博士畫

磯頭風急潮水長兼葭蒼蒼擊魚榜青山一髮是江南白頭
不歸神獨往幽草繞屋茅覆簷木葉脫落秋滿簾賞魚沽酒
待明月定是黃州蘇子瞻子瞻文章世希有謫向江波動星
斗夜投斷岸發清嘯栖鷗驚飛怒蛟吼圖中風景偶相似欣
然揮灑春雲開子瞻應是念鄉里還化江東孤鶴來

題金馬圖

賈胡自騎千金馬解囊小憩荒城下平原無樹起秋風夢入
陰山雪橫野太平疆宇大無外外戶連城無閉夜不然安有
獨行人懷珪安眠如畫者

題花鳥圖

吳中女兒顏色好洗面看花花為情調朱弄粉不自施寫作

不歸細雨梅酸愁畫眉

寄鄉友

馬伯庸

河邊父老念我出遠寄京華書一行謂言白髮今多少又報
南園竹樹荒門前石田杭秫熟犢子新生走如鹿莫戀官家
有俸錢長年作客身如束

送蘇公赴嶺北行省郎中

王繼學

居庸關頭亂山積李陵臺西白沙磧畫省郎官貂帽側飛雪
皚、馬驚濕馬蹄雪深遲、行吟月悽雲塞垣明鐵甲無光
烽不驚萬管角聲如水清明年四月新草生征人賣劍隴頭
耕思君遙、隔高城南風城樓來鴈鳴

萬竹亭

范德機

誰能買山種萬竹殘年請老住巴蜀結亭更在竹中間四面
雲谿寫山麓風敲最覺夜眠清雨洗曠延秋望綠日吟不限
三千字日飲定須過百斛隴西仙翁持斧客散馬涼城行新
菊爲言今弟隱滄江如此風流天下獨乃家正在蠶桑野束
束琅玕繞茅屋方知白眼待時人箕踞科頭自爲俗是邦子
雲劇博雅閉門草玄食漢祿多緣未識此君心往事微瑕傷
白玉使君自是廊廟具方駕前脩詎爲辱平生抱負勁直節
日暮天寒照空谷始我瞻望望不及終我嘆嗟不足乞官
倘或從西遊向子亭邊祝黃鵠

贈海康舉進士者

聖主徵儒用文學翩、五士起海角元戎虎帳飛薦鸚洋水
成材玉新琢吉日舉餞鐘鼓作皇華大夫繡朱褱快馬駸蹄

輪脫斲相送西風出郊郭問君此行事何若於菟要是赤手
縛候鴈南飛不踰岳洞庭山秋木葉落詞場先鋒奪霜鏑萬
里青山上黃鶴明光宮中問禮樂董生策有經濟畧一朝聲
名動河朔往取青紫如六博前年禮闈開峻擢明當接武絲
綸閣歸來錦衣照立壑人生無如進士樂烏乎人生莫如進
士樂曷尔高步翔寥廓

轆轤怨

門前水揚聲似雨幽人當窓碧絃語東里征夫去不歸一雙
蛾眉鏡中舞年年、井上攀轆轤勞心只恐秋葵枯他年種得
長生草梅花落盡青、好

滋溪書堂

謝端

趙之川渟浸涼易恒涸泝泆各異出惟滋有溪亦是匹或伏

或見刀不容不能百里濤是從混之千里俱朝宗子襄涉河
觀湖江踔雲蕩日怒擊撞歸視子滋嶺之瀧是滋名揚子所
始有田有廬水之渙有堂楹庫非侈中經子史堂左右高會
遺子以自課子延善繼志不惰鬼今撫古挾恠奇泓涵演也
吐為辭副墨往往傳京師贏金青紫世所取滋溪有源子有
後斯堂斯書可世守

被顧問題張萱畫明皇擊梧按樂圖 姚樞

阿晉五季名畫師尤工粉墨含春姿君王游蕩隨聲色不知
聲色傾人國開元無逸致太平天寶奢風生五兵偃月堂近
幽薊遠潛謀不入芙蓉苑咸陽行色馬鬼塵管筆雖工恐未
真四海蒼生半魚肉歸來豈為香囊哭一日重開日月光黃
金却鑄郭汾陽

題五王圖歸圖 周景遠 名馳野人 監察御史

晉陽首事成功烈卒入宮門流戰血至親骨肉忍相殘禍至
黃臺那可說讓帝知幾碎珣位履霜知是堅冰至華萼相輝
勢使然遂許明皇敦友弟當時行樂殊未央賜予無節息非
常出則同遊入同宴五龍躩蹀騰康壯時光鼎鼎如流雷虛
偽既消誠實見三子無辜死渭橋太真有龍來金殿欲心一
縱禍滔天社稷生靈不暇憐從此陵夷於五代干戈喪亂過
年年

桃花岩 貫海涯 名雲石 號酸齋 北庭 人官至侍讀 蜀 十士

美人太別三千年思美人兮在我前桃花紅
塵世逃神仙空山亭亭伴朝暮老樹悲
神仙區十文風煙掛淮浦暖翠流香春日
沾手燃殘霞昏天

未幾回雲外落清肅美人天上騎丹鶴神遊八極柄此山流
水杳然心自閑解劍狂歌一壺外知有洞府無人問酒酣仰
天呼太白眼空四海無纖物明月滿山招斷魂春風何處求
顏色

美人篇

仙風雕雪玲瓏温吳姬剪月纖纖昏行雲補髻翠光滑鳳凰
斗落空山月手摘閒愁八字分春山恨重畫不伸肌滾汗膩
朱粉勻背人揮泪妝無痕霜刀自裂石榴裙閉門不識諸王
孫綠烟熏透藍田玉羅帶隨風換粧束飛鳥啼怨過長門芳
菲不忍認華屋連環步窄玉珮纏雲霓不袖闊春風長劍鬆腕
瘦覺多情舉手搔天天亦嘆錦香帳冷蘭燈沈落花不入笑
蓉衾三山路杳銀河深彩鸞高訴愁人心天與美人傾國色

不如更與美人節夢裏梅花夢外身萬古千年對明月

銅雀臺

陳剛中

名字號勿齋一夫
台人衢州治中

古臺百尺生野蒿昔誰築此當塗高上有一三千金步搖滿陵
松柏圍鳳綃西飛燕子東伯勞塵間泉一卜路迢迢龍帳銀箏
紫檀槽怨漳河翻夜濤人生過眼卓上露白骨何由見歌舞
獨不念漢家長陵一杯上玉匣珠襦鎖秋雨

望嶧山

鮮于伯機

東方巨鎮宗岱宗群山列侍臣妾同西去兩崛起一萬仞却立不
屈如爭雄何年天運下天宮墜地化作土月芙蓉外如刻削中
空同閬風玄圃遙相通我昔東遊訪青皇群仙招我遊中峯
悔不絕粒巢雲松失身誤落塵網中如公下可望不可到巖舟
穴羨冥飛鴻神仙可學事亦晚安用屑屑月悲秋逢吾聞嶧陽

有孤桐鳳凰鳴處朝陽紅安得斷為寶今獻天子為民解愠
歌雨風

題商德符學士桃源春曉圖

趙子昂

宿雲初散青山濕落紅繽紛溪水急桃花源裏得春多洞口
輕烟搖綠蘿綠蘿搖烟掛絕壁飛流直下三千尺瑶草離離
滿澗阿長松落落空碧鷄鳴犬吠自成村居人至老不
識瀛洲仙客知仙路點染丹青寄輕素何處有山如此圖移
家欲向山中住

送朱仲陽太平教授

列仙之儒山澤臞手中黃紙新除書教官雖冷實清選當塗
山川如畫圖我生無能百不如盍不從君賦歸歟請君為我
酌太白矯首南望心煩紆

謝鮮于伯機惠琴

仙人已歸白雲中空餘手植青枝桐根柯盤鬱如蛟龍一朝
霹靂驅雷公烈火半執隨狂風箕子之裔多鬚翁才氣邁俗
駭愚蒙抱持來歸尋國工斲為二琴合商宮我來自此欣相
逢持一贈我為我容自吾得此不敢寐中夜起坐彈秋鴻下
弦清冷上黃鍾轉弦更張涕滿胸黃虞已遠將無同恨君不
識牙與鍾恨我不識鼓與蒙周南大雅當誰從

題黃素黃庭後

琴心玉文洞玄玄金紐朱錦乃汝傳子能得之可長年與素
續粟完且堅橫理如髮約兩邊縱有赤道如朱絃文居其間
走玄螳飛雲捲舒相終始大道甚夷非力使無為自然有至
理誰能精專換骨髓掃除俗塵不瑕穢目中有神乃識真白

玉爲軹轆車輪裏以天上翠織成仙人樓居儼長生鸞鶴翔
舞猿猱輕子能保之慎勿驚官室之中夜自明上清真人楊
與許焚香清齋接神語手作此書留下土千年流傳子爲主
東方青龍西白虎庶不索兮貪勿與

題二喬圖

長江東去水滔滔誰謂河廣不容初中有喬家女兒淚何意
師昏隨二豪龍虎相爭欲相啖鸞鳳鍛羽將安逃不見當時
老諸葛獨聘醜婦何其高

題張國綱理問塞河詩卷

盧彥威

名巨汲郡人翰林待制

道河積石堯解憂滔天之水成安流何年決鬪半南土清淮
怒卷黃雲愁宣房既築漢歌喜越巫抱壁神光起害除梁楚
二渠成海溢西南九河死後來群策知誰賢何人捧土能防

有子有孫百世苗卧橫玉簫汎歸舟吹散萬斛江南愁

時中兄示余畫一軸畫一老翁推獨輪小車上載兩

巨甕意其爲警世之爲因爲賦詩

小人無它獨嗜利兩甕載車將遠致肩頰足趺汗潸然冉冉
脩程胡不畏世人但笑愚翁愚甕破即與瓦礫俱不知人有
千金軀前行險道方乘車

祖生詩

揭曼碩

浦城孝子身姓祖自憐性命如糞土生才五歲遭亂離有母
更被官軍虜零丁二十八春秋母縱得生何處求天地茫茫
明月恨江山漠漠白雲愁忽得母書驚母在看書未盡淚先
流書云流落河南縣河南蹋遍無由見唐州境上忽相逢白
髮蕭蕭霜滿面誰知喜極情轉悲旁人更問初別時下生萬

死到今日始為母子東南歸東南迢遞關山路入門猶記階
前樹居人傳說盡相看鷄黍提携竟朝暮祖生母子真可憐
少壯離別老大還同時鄉井被兵者幾人骨肉能生全願生
母子長壽考四海昇平永相保

夏五月武昌舟中觸目

兩髯背立鳴雙櫓短蓑開合滄江雨青山如龍入雲去白髮
何人並沙語船頭放歌船尾和蓬上雨鳴蓬下坐推蓬不省
是何鄉但見雙雙白鷗過

題明皇出游圖應制

明皇八駿爭馳道還是開元是天寶長安花發萬年枝不識
年華醉中老奎章閣下文非靜茶衣高拱唐虞聖莫言此畫
徒爾為千載君王作金鏡

夜宴友人席上有懷志能照磨暮春會同年所作

因寄

黃子肅

青山林下啼班鳩綠楊門前嘶紫騮落花成陣作春雨東風
淡淡雲悠悠美人捲簾自在手蝴蝶飛上珊瑚鈎南溪不見
筍成竹凝約滄波同倚樓

紀信嘆

周衡之

沛中龍奮砮礪雲咸陽楚炬三月焚兩雄角起鹿在野三戶
有楚無強秦貔貅百萬紛如雪戈矛盡染英雄血 曉蔽
天河雲兵塵夜暗中原月滎陽數載戰不休重圍食盡漢亦
憂將軍詐帝出降楚脫帝虎口真良籌無何諸將已平楚事
定論功裂茅土獨無旌美劉將軍不得褒名紀盟府男兒死
節志已酬瞑目地下夫何求吁嗟功怨俱悠悠漢庭雍齒還

封侯

子陵釣圖

東都熱官手可炙，吳儂面似秋江色。平生落拓一羊裘，七葉
貂蟬不堪易。功臣盡在雲臺中，丹青化作灰塵空。先生遺像
乃在此，釣竿尚裊桐江風。悠悠世事江雲白，過眼輕帆自朝
夕。人間萬古仰孤風，天上有星猶是客。

送君進周公

胡尊生

憶君初來湖水滿，金鱗小普水助春波。煖江南，早晚雪花飛。
蒲帆下水送君歸，霜風浙瀝湖光晚。白魚粳米中流飯，回頭
咫尺廬山雲。一寸心長帆力短，臨分乍覺過重關。金螺移在
雙翠眉，啞啞靈鳥啼樹枝。家人夜夜卜蛛絲，雪醅新釀都昌
酒。歡來不來待君久，人言遠歸勝新婚。稚子牽衣婦携手，窓

前紅燭，宵彈碁新歡滿。眼寧相思江南今歲梅，開遲贈君無
花折空枝。明年花開來不來。

金莖承露

蓬萊仙人騎黃鶴，來遺劉郎不死藥。銀漏無聲秋夜深，時見
星河頭上落。精金糾錯蛟龍蟠，未央闕角觚稜寒。莫教仰見
盃中物，直是他年雙淚痕。桂房枿壁蕙蘭老，留得新愁向雲
表。猶逐官車出漢關，茂陵蕭蕭濕青草。

燒筍賦

陸文奎

先生朝盤厭首筍，筍味得全差勝肉。蒼頭掃地犀角出，赤燄
燒空龍尾禿。土膏漸渴外欲枯，火灰微濕中已熟。撥灰可惜
衣殘錦，解籜猶怜膚。濯玉青青無分長，見孫草草為人供。口
腹李家丞相蒸，葫蘆石家美人煮。豆粥香毛留項，有何好擣

非作壘空自速不如野人工食淡自辦行厨入脩竹句裏曾
參玉版師胸中會着貧留谷主人不問不須嗔昨夜西風響
林屋

姑蘇臺

李垣之

吳王宴罷蘇臺晚斜日清江映蘭橈臺上西施醉捧心江邊
東越愁嘗膽鴟夷裹尸去不還麋鹿散游其間秋深月明
照高樹驚鳥啼落丹楓寒功名獨羨陶朱子一葉扁舟弄雲
水

過嘉興

陸天錫

名都刺應門
人聞憲知事

三山雲海幾千里十幅蒲帆掛秋水吳中過客莫思家江南
畫船如屋裏蘆芽短短穿碧沙船頭鯉魚吹浪花吳姬湯藥
入湖去細雨小寒生綠紗我歌水調無人續江

竹春風一曲鷓鴣聲花落鶯啼滿城綠

題蘇武李陵泣別圖

歐陽伯恭

祈連山前箭如雨渤海海邊羝不乳同是肝腸十九年白髮
君歸朝故主臣心有血一斗許亦欲隨君歸擊鼓五千健兒
五千母臣若獨歸魂魄苦空將老淚寄君歸拜茂陵墳上
土

為趙敬升賦漢海獸蒲桃鏡

陳衆仲

尚方老冶收精銅金膏玉髓開腫膿未央曉月低青桐六宮
秋井生芙蓉當塗妖鬼負神器銅人登車數行淚空奩偶落
長安市來與人間照珠翠凝陰空祭江心龍海兩夜入閩王
宮一朝愁殺滌上翁破屋日夜穿晴虹西苑野露堪作酒中
有駒駝活欲走趙侯得之莫失手龍女蛟童候之久

蓋鄭夾滌
家故物也

題白玉蟾贈劉丹晨暑月詩後

玉蟾先生列仙儒夙昔夢見冰雪如丹晨不比劉師復
本解人間書紫清午榻松陰冷俯視塵寰真火井銀河夜靜
淡明月水風吹落玄雲影玄雲盤屈龍虎章百神守之不敢
將

題陳孝子傳後

張仲舉

名肅號蛭庵晉人翰林承旨

百丈山前妾舜主禮賢鎮中子逢母三十年餘一日同白髮
相看淚如雨阿彌去時未斷乳兒壯得知心獨苦清湖老嫗
天所留逆旅主人神使語歸來桑竹溪之滸婦前持觴孫起
舞雙瓜生祥表秋圃豈待旌書動官府吳人買妾紛莫數歲
滿母歸遺子女巷南巷北不相覓况復山川兩脩阻嗚呼
秋復萬古孝子之名在寰宇世上滔滔忘母人不愧唐昌

松士

息齋竹石古木為會稽韓李博士題

老竹葉稀多秃枝新竹碧潤含幽姿籜中龍子振春勢突出
雷雨頭參差傍蹲恠石石罅裂之處恍惚疑龍穴山中有樹
皆十圍活榦撐青死槎折霜皮食盡乾蘚文半頂斬立雙桠
分最後一株身出群垂枝倒走陰崖雲李侯標致不可得小
字親題別塗黑縱橫不在摩詰下蕭爽直與洋州敵玉堂學
士欣見之濃墨大書真崛奇森然一片鐵石筆妙甚七字瓊
瑰詞此詩此畫今兩絕把玩微風動毛髮只應真宰泣瑤鏡
一夜山窓吟秋月

大星

李季和

大星在天小星落城頭嗚嗚吹畫角津吏擊鼓河上船行人

草草居人憐男兒墮地孤矢願南北東西君莫怨

茅山謠

道人兩髯青如蓮大醉上山捫青天青天蕩々玉盤出引手
舉盤天上懸銀河傾倒桂澗影長風吹香落丹井地上小兒
沾玉馥白兔急搗玄霜孰惜々仙豕十二樓夜半起拂殿烏
浴手招茅君叫列仙帶劍上立紅雲前茅君騎虎上天去道
人乞我明霞篇

十臺懷古

吳師道

姑蘇

百花洲上姑蘇臺吳王宴時花正開半空畫燭西子醉三更
鉄甲東門來吳波渺々吳山簇不見嬌頰倚闌曲丹楓落月
怨啼鳥碧草東風走驚鹿闔閭丘墓相連處應恨夫差迷不

悟斷指千年血未乾遊魂夜哭臺前路

章華

靈王傾國崇臺宇按劍章華睨中土弁裳伏地走諸侯鍾鼓
凌空震三楚騁驕不畏伍子謀落成乞與吳兵遊孤舟竟走
江上路塊土獨占山中愁十年伯氣終蕭索回華音容歸不
得飢魂漂泊啼秋煙細腰却舞新王前

朝陽

神娥縹緲高唐上楚宮樓閣森相向丹楓蒼桂涌孤闕白石
清江簇連嶂行雲冥々飛雨寒孤猿咽々秋花間翠鈿龍駕
杳何處斷魂殘夢愁空山微臣宋玉誇能賦當日襄王豈真
遇千古秋風恨未平高泉飛落三巴怒

黃金

昭王銳志移青社築土懸金奉賢者四方劍佩集強燕千里
風塵馳駿馬郭君自舉先群豪樂生獨步超凡曹酌恩一雪
伯國耻建功並倚雲天高君臣意氣千年少落日荒涼沒秋
草黃金買貴滿長安惆悵英雄布衣老

戲馬

項王數馬從東來意氣蹴踏全秦摧入關不並沛公轡還鄉
却上彭城臺重瞳按劍風雲靡萬足騰空煙霧起淒涼垓下
泣名騅零落江邊餘數騎寄奴千載心爭雄登高把酒臨秋
風詐移晉鼎非男子君看百戰東城死

歌風

沛宮置酒君王歸酒酣思深風雲飛兒女環臺和擊筑父老
滿座同沾衣一歌豐沛白日動再歌淮楚長波涌龍鬣氣梯
半空寒虎士心馳四方勇河山蕭瑟長陵荒野中怒響猶飛
揚高臺未傾風未息故鄉之情那有極

望思

桐人氣迫前星黯思子宮成翠華晚高臺有恨碧草新大野
無蹤金犢遠一朝弄兵兒罪輕百金鍾愛天倫深戾國魂魂
夜寂寂灑城風雨秋陰陰漢宮樓觀連天起方士秉香召仙
鬼望思望思終不歸茂陵老淚如傾水

銅雀

半空高棟翔金雀玉衣總帷塵漠漠西陵老樹暝色寒長安
殘妓春情薄曲終紅袖辭尊前簷傾斷臂飛人間分香老淚
恨不滅秋風吹入苔花斑漢家一片當時土肯為奸雄載歌
舞銷盡曹瞞萬古魂落日漳河咽寒雨

鳳凰

金陵王氣飛祥雲鳳凰臺上聲和鳴鳳來春日花宮冥冥去
秋風荒草生嬌娥舞散高臺暮青山迥隔丹丘路斜陽門巷
語烏衣細雨汀洲飛白鷺江空天濶鳳影遙謫仙吟斷誰能
招六朝宮闕煙蕭蕭月明夜半人吹簫

凌歊

宋家天子遊南國紅粉三千臺百尺歌鍾激浪楚日白簾櫺
綠樹湘雲碧凌歊高宴金輿來侍臣仰笑朱顏開臺城宮扉
鎖花柳寄奴玉障生塵埃昏昏醉夢春風几不顧江東數千
里酒罷歌闌帝業銷青山空映當塗水

岳王墓

韓中村

妖星墮地芒角赤龍劍悲吼風蕭瑟中原王氣挽不回將軍
一死鴻毛擲秦家小兒真戲劇播弄造化搖撼指雙鳥為親
忠為逆隻手上遮天眼力九關茫茫隔天日無由下燭臣愚
直臣愚萬死不足惜國耻未澆猶憤激古墳埋冤血空碧風
雨年上花蝕我恐精忠埋不得白日英魂土中泣請將表骨
斷出荒台痕獻作吾皇補天石

征婦歎

虎頭將軍眼如雷領兵夜渡黃河面良人腰懸大羽箭遼東
掠地遼西戰二紙紅箋寄春怨十年消息無歸便日長花柳
暗庭院斜倚粧樓倦針線心憶良人嗔不見手擲金彈打雙
燕無術平戎報明主恨身不是奇男子倘妾當年未嫁夫請
學明妃獻西虜

題赤壁圖

王在中

名賢奉元人
河東僉憲

我昔南游過赤壁曾上磯頭訪遺跡吳魏勝負了無聞一曲
漁歌楚天碧黃岡迂客蛾眉翁道同北海人中龍韜懷得酒
逸興發扁舟夜泛空明中江山如許誰賓主醉挾飛仙夢中
語直將天地等浮漚二國周郎曾比數神游八極空畫圖開
卷彷彿瞻眉須清風千古凜如在悠悠目斷江雲孤

讀文山集

林德陽

黑風夜撼天柱折萬里飛塵九溟竭誰欲扶之兩腕絕英淚
浪浪滿襟血龍庭戈鋌爛如雪孤臣生死早已決綱常萬古
懸日月百年身世輕一髮苦寒尚握蘇武節垂盡猶存杲卿
舌膝不可下頭可截白日不照吾忠切哀鴻上訴天欲裂一
編千載虹光發書生倚劍歌激烈萬壑松聲助幽咽世間淚
洒兒女別大丈夫心一寸鐵

題顏輝山水

貢泰甫

名師泰號玩齋豈
城人浙江餘姚

蒼龍渡海成疊嶂岩前西來勢何壯盪摩日月嘯雲煙回薄
風霆起波浪懸流晝夜相舂撻恍惚銀河落天上橋橫霞嶺
頽天台谷隱龍湫疑鴈蕩若非華蓋及武夷無乃仙都與秦
望參差飛觀倚半空錯落長松高百丈煙懸絕磴畏崎嶇路
出平川喜夷曠野老朝耕屋角雲漁翁晚釣籬根漲偶隨鶴
舞抱瑤琴猶恐猿啼驚蕙帳畫師盤薄精天機元氣淋漓歸
意匠毫芒點染遠近間只尺卷舒千萬狀三年老我東海隅
立馬看山每惆悵麻姑敬亭曾見招何日相從脫鹿鞅

送周草窓尊師歸廬山太平宮

成廷珪

匡廬之山仙所居銀河倒蘸青芙蓉三千里路昔一往十八
社友今何如向來庄君結廬處至今海月懸高樹水流花落

春復春洞府蒼茫隔烟霧西風蕭蕭吹短衣賣藥脩琴不歸
去得陽潮落海欲枯幾時再得麻姑書桂風不跨林下虎回
仙肯歸盤中魚幸留神物守丹鼎喜近弟子迎飈車世間信
有揚州鶴看汝乘之上寒廊晴窓須理白雪弦爽氣仍開紫
霞閣袖中寶劍且藏鋒彭蠡小龍方睡着

和張孟載春愁詩韻錄寄揚鐵崖

小窓病酒厭厭卧春色三分二分過仙人漫織藕絲長金銅
難補菱花破花間黃蝶也雙飛葉底青梅才一箇綵筆題詩
人未歸愁腸一似車輪大

湘江秋遠圖

蒼梧愁雲拂烟水日暮無風波自起何人吹簫作鳳凰被髮
臨江迎帝子黃陵女兒情更多却掩冰絲淚如洗千年清恨
人不知坐對空山疑夢裏

獺皮褥

陳古春

賴侯失國毛嫵老蓮葉裳衣爲誰好曲阿湖上來菱舟濺血
淪精哭秋媪祭魚求謝孤蒲春去作香魂薦寢袒綠雲四面
裁如意毳影當中吹暖塵玉指象牀聊歲晚絕勝會死龜茲
板聞道驚鱗膽尚寒莫教展放芙蓉館流酥帳裏佳人語卷
却龍須偏愛汝夢中若更說離騷腸斷糜蕪楚天雨

古釵歎

吳維甲 名嵩廬
陵人

何年美人寶釵失深井沈泥污玳瑁一朝拾得再揩磨二回
五回看歎息雙鸞匹鳳兩股勾終然汚色難爲新當時光瑩
照頭上有似桃李搖青春今人不識古儀狀寶釵雖好非時
樣爲君插罷擁髻悲物無貴賤皆隨時

送文仲德之臨洮帥府經歷 程以文 名文

吾聞洮州綠石堪為硯能淬筆鋒如淬劍地靈大寶愁鬼工
埋沒塵沙羞自獻羞童目悍手足鮮掛弓走馬唯臨邊維藩
令嚴烽燧息鼓角書靜旌旗懸幕宮姓文不好武要使西羌
化東魯詩書埋按夜生輝親寫封章上天府豪猪之鞞青兕
裘時平不願萬戶侯但得洮州綠石硯歸來洮筆立螭頭

題陳希夷像 萬德躬

花項君王瓦棺冷柴家陵上西風緊殿前點檢不知名醉眼
摩挲現周鼎白晝龍虎行天階紫微小星何僭哉先生大笑
出門云明日華山歸去來山色還如舊時好流水小橋散芳
草千載誰知驢背心芒碭雲深入孤鳥汴城峨峨汴水流江
南江北數百州秦王未已晉王起人間萬歲更千秋

今始見我欲書之寄董狐

緝熙殿御題紫薇花扇面壽卿中丞十一月二十五日

江南十里花茫茫紫薇盡對中書堂人工會得無窮意一枝
宛轉留芬芳緝熙殿裏日月長對盡落筆蛟龍翔花前未覺
風流遠扇底猶含雨露香烏府先生黃閣老高敞新齋坐霜
昊聊題此畫托千年從今永伴中書考

阿房宮

智力有窮天不老秦帝山河迹如掃參差忽落畫圖間白髮
朝臣驚欲倒咸陽初起阿房宮六籍已焚兵已鎔渭水函關
萬年固終南秦華五雲中復閣重樓鬱相望翠戶金鋪九天
上上容萬人常有餘下建大旗知幾丈霞霧霧翼天日迷山
童野楮民朕朕窮奢極麗猶未愜謂海可梁天可梯蓬萊何

處樓船遠上蔡東門歎黃犬六國樓臺春草長千門歌舞斜
陽轉游觀未畢化埃塵宮樹淒涼野鹿馴至今世上丹青手
留與千年作諫臣

贈弓秋蟾

滕玉霄

瓊花十里小樓紅醉吞牛斗眠長虹十年四海分萍蓬一笑
邂逅滕王洪床頭回首黃金空但覺耿耿盤心曾問蟾何不
歸蟾宮自有老月留身中誰受一粒金丹紅學得紙上畫墨
龍白晝呼吸風雲從頃刻霧暗天濛濛妙處巧奪造化工不
復知有陳所翁君不見金陵壁上不點瞳點瞳霹靂驚江東
我欲煩君具毫楮畫一小龍回顧母普今天下生孝心不向
江湖長驗雨

望夫磯

劉時中

望夫山頭日欲頽望夫山下江聲哀山頭日日風雨惡江上
不見行人回空山亭亭幾朝暮猶記行人去時路知君渡河
長不歸恨不常年逐君去此身化石千仞磯石猶可懸心不
移長江水涸黃埃飛行人應有歸來時

過采石

聶古栢

采石江頭秋月白蛾眉亭下灘聲咽綉衣三斧曉霜寒同是
天涯苦行客酒仙一去海生塵青山五尺埋衣中清江白鳥
自今古岸草汀花秋復春我欲御風遊八表醉裏高情覓三
島閭闔雲深不可攀回首江南數峰小

送孟和卿平陽尋母

龍興楚清

杜黑念母心最苦豈意一朝逢澤潞母驚兒貌似乃翁兒抱
母啼淚如雨五十孺慕朱壽昌刺血寫經毛髮蒼閨閩同州

晚相見迎侍親闈歸故鄉人生百年一彈指母恩未報情曷
已團樂尊前舞綵衣大勝世間朱與紫子行萬里涉風沙誓
不見母不還家兒今髮蒼母應老道傍觀者還咨嗟臨川孟
氏號雍睦家世來此澶淵族婆娑老暮紫荆花料想春風依
舊綠

都城曉起和張漢杰

薛宗海

扶桑日射蓬萊頂下視瑤都森萬井金門未啓曙光寒月落
孤稜微有影枕上仕遊夢未回嗟嗟隣鷄爲呼醒知君曉約
穀城翁再擬銘功漢鍾鼎杏村天近易爲春莫厭西齋官獨
吟

東山有鳩臬偽鈔害良家故賦

傅謙則

金衣菊裳海頭鷓胡不啄此鳩臬目劍翎鈎爪鞫上鷹胡不
食此鳩臬肉東飛西飛正胡頰開口呀呀無飽足天何生此
不祥鳥白日妖呼鬼夜哭羽毛似可羨外飾腸膽豈知懷內
酷月明風淡霜氣寒三統高枝鷓鷯宿綉繆牖戶固根本一
叫一鳴千百毒將軍只恣天邊鹿胡不挾彈滄江曲

題延月樓

許益之

噓嗟稅駕紅塵息玉鏡飛空天地白嬋娟先得何處多齊雲
暈著翳高百尺清光無私照寰海舉頭千里明長在主人欲擅
四時秋夜、掀簾爲延待人生見月幾圓缺今昔人殊同此
月人迷夢覺月晦明終古相磨寧暫歇倚闌清嘯酒莫遲銅
壺催曉輪易歇

酬潘明之

華亭谷深紫烟濕老鶴喚空眼垂碧功名千歲衣染墨遼陽

骨換今幾日華表時來語消息九臯胎化頂未丹海門雲吟
高飛難戛然長鳴飲清滯何當天何吹羽翰方壺圓嶠同盤
桓

游龍回寺碧雲堂有何無適草書

蒼鱗作霖回壑裏竟化長岡飛不起何年老僧飛錫來強架
擔楹萬山底碧雲石梯如登天府視竹樹行其顛巖巒起伏
呈怪狀壯若群馬奔吾前網仙去不復返滿壁龍蛇驚醉
眼可憐一半委塗泥沈復沾危混苔蘚山翁摸榻妙入神永
和繭紙且逼真勸君勿辭一日力為我留為百世珍君不見
二王舊帖皆殘編至今不惜千金傳

馮公嶺

層巒疊嶂危相倚亂若飄風湧秋水寒松荒草間蒼黃照眼

嵒嶠三十里初如井底觀空虛一峯巍然中獨尊紫回石折
至絕頂俯視衆嶺來兒孫人言此山插霄漢馬不容鞭僕夫
嘆攀援何異蜀道難氣竭神疲背流汗熱視徐行路覺平心
寬意適步更輕志須預定自迷到世事豈得終無成我來正
值窮冬月倚秋巖前嚼松雪斗店煙生野飯香陽坡日近梅
花發寄語悠々行路人乾坤豈敢險君勿嘆胸中芥蒂未盡去
須信坦道多荆榛

題姑蘇臺

姑蘇城上姑蘇臺青山百里城眉開平郊如掌思清遠昔人
樂極曾生哀大讐未復敵不死壯志消磨侈心起會稽捷甲
功自多種蠡深謀誠未已不知佳冶能傾國暮々朝々醉春
色勳臣抉眼視東門越女還為越人得只今興廢總成空唯

餘碧草搖淒風可憐千古臺前水不洗當年雨東耻

贈滕玄一

玄珠恍惚生秋水善守谷神寧不死虛中抱一求諸已道不遠
人應在適負笈擔簦空萬里先生年來髯已斑對客時復談
九還刀圭謂可回朱顏行滕纏之環塵闕神仙豈必居三山

湖水來

郝伯常

枯風怒遏長川回兩湖五月生黃埃水晶空碎洲渚出昆明
老火飛狂灰魚龍錯落半生死乾坤枯槁無雲雷海鯨怒決
海眼破濤頭一箭湖水來新聲浩氣入黑壤寒虹矯收蒼
羶白鷗靜盡波不起澄清無瑕玉鑑開浮光四動青雲第倒
影半浸黃金臺何嘗乘興呼太白棹歌長入琉璃堆滿船明
月露華冷翠絳銀管飛瓊盃

宿鐵塔寺

西風蕭蕭暮烟濕滿袖青鞋乃亂山入枯雲黯慘忽蔽空未及
黃昏陡昏黑行々暝投荒寺宿繫馬堦除劍懸壁中庭一塔
揭暝色倔強生惺半生澁虺龍雷轟轉不能勢怒尾呀天轉張
礫須臾飛雨過前山密洒凶扉寒浙瀝黃塵萬事隨雨來壯
懷空落髮思集學成書劍兩無用竟作窮途奔走客短衣著
處逐秋蓬誰信胸中有長策孤燈照夜耿不眠紫焰憧々動
輕碧苔言欲問復無言抱膝長吟轉蕭索

題天冠山

元復初

仙翁昔住天冠山夜呵鬼神衛爐丹成飛去杳不還藥池
丹井猶山間翻々幽子鳴佩環華振巨麗青雲端思玄尋躡
果安訪鶴歸月落前溪灣

題劉材之家子昂書映雪軒扁 卜友會

天吳粉月成瓊屑洒向人間沃春熟東風刮地清蕊蘭門外
好山青不得白雲着雨飛難起曉來化作湘江水如冰娟
照美人對此心開幾千里臨池落筆幽思多白鬚道士來相
過日斜寫得黃庭去錦籠却送山陰鵝山陰春盡美人老茂
陵劉郎拾瑤草瑤草年吹古香至今殘雪明松表

明皇合樂圖

杜仲高

天風吹來羽衣曲譜君王新意續後宮彩雲飛揚利刃
四部羅仙媚虬髯天子坐胡床飛燕斂衽隨君王鼓瑟彈箏
間吹簧琵琶意慙塵沙黃龍吟雜品單于調象版促鼓搗漁
陽三郎回笑眎玉環只有天上無人間弄臣番綽敢稱贊請
祝君王萬歲歡堪笑虞庭大岑寂只有一雙能耐石

送仇仁父分教溧陽兼寄張仲寶 袁德平

往讀大曆才子詩常恨諸人不公卿當時將相漫豪舉誰如
千年麗句留佳名破帽飢吟孟貞曜一尉辛勤晚初調至今
山水餘妖妍尚有當年賦詩料廣文清絕非壑曹况君意氣
凌雲高鬢官寬閑衿佩集底用如彼彫鏤勞丹陽湖西足烟
樹想像昭關遁逃路六朝舊迹徧蒿萊盡是諸賢醉遊處人
生自古并合難詩人今日盟未寒聯珠粲比百里聚會見卜
史昂頭看西秦公子眸烟陽羨三年官舍冷憑君為我致
相思行矣追尋嘯烟艇

送祝丹陽祠武當

陳茂卿

武當之山上參天上有天帝居其顛陰陽蔽虧歲月草樹
蒼蔚含雲煙六丁開山鑿空翠萬神扶棟飛脩椽金門耽

守龍虎玉佩纏、羅神仙人間塵俗不易到我常夢寐思攀
緣嗟軍此行非偶然冷風吹至虛皇前手持御香謁帝阿口
漱瓊液哦靈篇蒼龜巨蛇出神怪朱鳳白鶴相後先帝命青
童授珥訣谷神不死真玄、却被羽服謝仙友笑視浮世三
千年

送吳子敬赴釣臺書院山長

劉聲之

我航浙江三四五每過雙臺淚如雨三公不作歸釣磯時人
血面爭絲縷危石栖霞禽野語蒼林古瓦瞻祠宇同舟名利
急須更我往拜之別不與擇兮擇兮風吹汝天星易搖足勿
舉千載羊裘有幾時人言黃犬皮當補諸公奕、誰賓主名
教有功聯學俎世果相逢建武初短蓑獨遠漁樵侶喜君沉
敏資好古初分譜席良得所獲聲絕少沉馬斯早筍晚菘聊
復黃衣木丁、聽腰斧水色山光更媚斌當年餽下有殘鱗瑤
珠化作驪龍吐百里時歸綵衣舞猶載行書壓鳴鶴一勤贈
子莫多言買菜有幾君記取

獨駁圖

毛靜可

連天首宿青茫、益車鼓車紛道傍肉駿汗血不可常權奇
個倘晦若藏五之六之無留良如此獨步何堂、日三品豆
慎所嘗天閑逸氣誰能量一尺之筆五尺韉了與轡絡俱相
忘大僕御直儼冠裳庭前榻上婉清揚有詔有詔且勿忙一
洗凡馬鑿鑿、我觀此圖筆意長欲言尚寄田子方

贈督師曹將軍

泰階煌、色已齊祥飈為掃蚩尤旗幅負浩蕩春臺熙不遣
桴鼓驚鉏犁羽林宿衛環三陲居安却慮忘戰危整暇自許

忘其機司馬八法律以規蒐苗獮狩凜弗違碧油有幢嚴軍
師手持虎節談魚麗闕不以山與溪歌舞七德宣皇威有
來視師省檄飛將軍名已草木知干戈俎豆睢陽時已分勾
當江南歸汭芳奕葉今孫枝此行且賦從軍詩時清未用歌
采薇天子有道守四夷

讀三孔先生清江集

黃晉卿

元祐儒臣布星斗後有作者非其偶二龍三鳳殊續紛况乃
淵源曾中叟適從塵編識英爽想見世澤餘忠厚長公平生
二三策大廷披腹驚群后風流班仲與季茅茨彩椽絕丹
黜獨尋古昔寓陽秋稍挾疵瘕到瓊玖却盤餘力歸賦詠古
硬清圓無不有爰初人文啓河洛下逮百氏分元牖空言可
托匪末藝巨筆待援須好手典刑未墜乃至今吾生已幸何

云後青燈照夜雨如綫輿論微辭煩擊剖追摹止復慙捧心
贊美胡能付鉗口從遊起死不敢期倘挹殘膏注空朽

題錢舜舉畫漁翁牽魚圖

顧淵伯

若溪道人溪上居一生只慣觀打魚吾兒打魚當耕織意匠
別出緣綸餘緯葭縛竹直水口承以密罟防其遁卒然一掣
勢莫御紫鱗躍出金夫渠蓬凶草戶色々具茶瓶酒碗尋常
俱船頭青山立突兀船後綠樹搖扶疎人間名利不可汚烟
水為席天為廬西塞山前晚風急醉踏船舷浪花入漁翁心
事道人知日暮來看倚筇立迴頭却捉秋兔毫寫入生綃半
猶濕令人展卷心茫然辛苦微官悔何及吳松江上鱸魚肥
秋風落葉滿漁磯何不買舟逐東歸何不買舟逐東歸

建平道中遇雪

北風如弦雪如箭來射長途旅人面黑雲匝道天為愁四望
群峰白於練蕭條聚落木百家日莫故青烟起山縣荒林叢
葦少人行斷廡殘鴉有時見憶昨年少輕遠游曾跨驂騑走
畿甸只今潦倒困微官馬上低徊發哀怨丈夫事業未易論
但惟杯光速飛電便須大飲敵清寒未用悲吟嘆羈賤

題文學館壁

王尚志

主家池館臨官道門對琅玕如海島弟子讀書編綠蒲詞人
琢句思芳草憶昨送客悲年華隔簾微雨東風斜春光滿眼
忽自醉牆西一樹櫻桃花

題淳化閣帖後

傅景文

君不見秦王一旅定兩京武功文德致太平晚年却愛蘭亭
字收拾繭紙歸昭陵前朝淳化號極治典章文物煥日星遺

書購求到筆帖秘府書靜聞登銅駝翁仲兩荆棘况此爛
石何足憑當時已愧千載後影外之影聊相仍即今見此遂
希世古意雖遠猶典刑文章於道固小伎而况字畫姓名
癡兒傳觀競彷彿至有嘔血求其精殘編斷簡無足論此事
自關時廢興願君持此待善價他年不馱家雞腥

秋清羈思

趙春洲

笛聲孤起江城暮隔江山好青無數征帆一去知何處蕭蕭
老却江頭樹猶如此生慘悽秋風不管生別離

昔年

李仲公

昔年有語雙白頭棄我忽作齊梁遊雲鴻不來音信斷瑤鏡
塵昏秋鬢亂君心一去如飄風妾心死與黃河東清霜昨夜
剪庭樹欲寄寒衣不知處

流民詩

邳徐二州皆凶災流民如雲過江來布衣慘々泥水破黑妻
騎驢兒在懷為余言之心膽摧剥掘榆皮蘆白芨至今一貫
一升米不去坐死何為哉

題環翠樓

辜德中

名中号 易句

四山排闥翠如織螺髻春嬌簪不得光涵老瓦疑不流影落
晴簷寒欲滴道人夜半吹青藜路近雲霄星可摘塵消禹宇
無纖紅月浸四窗動疑碧眼中已覺培塿多笑拍闌干凌絕
壁

在原出谷圖

松籐骨蛻冰霜疑潤松清滴雲烟輕原深草枯秋茲
天倫至愛禽於物乃知蠢動俱全靈

谷虛

宦學

猶故吾江湖夜雨書灯孤梅殘路遶驛使遠天高風急征鴻
跡摩挲此畫重三歎人不如鳥將何如

贈梅隱相士

番陽隱君心似鐵與托梅花共清絕香浮客袖寒飛霜影寫
吟魂清浸月素衣不染京洛塵蹇驢長踏灞橋雪歲寒心事
誰能知強把窮通為人說空谷聲傳蒼玉碎姑射神人落瓊
佩劇談共喜吾味同他日相期調鼎鼎吾聞論相須從心術
間看花政在香影外憑君認取本來面香影俱無忽神會

送自怡萬戶膺大尉府參軍

陳元弼

名良臣 號滄洲

楊花吹蕪撲暝雲嫩鶯啼徹江南春鄞江水軟彩舟滑東風
趨上黃河津微垣有客雲霄立飛下鸞章紫泥濕幕府風流
水泛蓮相門簾綬香凝戟西山柱笏賢參軍魚鴈時々寄好

音金門紫氣擁不住催上玉堂煙霧深

賞海棠 江叔載 名屋

天孫裂錦舒雲霞五采散入滄海涯珊瑚擊碎瑤草死春風
吹作枝上花曉寒香霧潤紅玉午困晴日蒸丹砂盈之半開
正堪賞明日爛熳驚繁葩

送魯道傳歸淮西省親 徐伯通 號雪崖

一行鴈：天邊飛兩箇鴉之烟裏啼北風吹雪不成雪故人
別我歸淮西青袍未美進士志綵衣且作嬰兒嬉鮫龍若使
困淚水世上車馬無輪蹄

答何尚文

矮蓬雨過春酣足啼鳥一聲煙樹綠美人贈我三疊詞
黑
琳琅振空谷扣舷得意時和之吳鉤碎擊寒玻璃濕雲

劃開豁湖光山色清無涯蘭橈小駐桃花浦安得瓊絲調玉

柱短歌聊效踏莎行說與東風寄將去

美人倦繡圖 劉愈珣 名珣

蘭風翠肉春晝溫美人惜春情緒昏繡牀半倚思斷魂玉纖
不動歌長門捲簾双燕遶梁語彩絲撩亂愁如縷巫山楚山
雲獨多回文織錦將奈何

送鄱陽高式齋之初庵書院山長 歐陽原功

至元天子垂衣裳四方英俊皆來翔集賢家學贊明治歸築
林居鄱水陽高君奕世事儒術奉檄升堂衿佩集芹泮風清
皇極尊年少功名從此立

和趙任齋葉栖碧喜雨韻 方求 號可

雷公擲斧擊衆醜天女舞鏡觀群容霍如補天色石墮銀河

下落香爐峰洪都夜泣流血蜃天目晝去垂髯龍神功變化不可測吾欲舉酒慶老農

小姑山

徐則聞名履方

小姑頽然整且秀不事粉鈿躬甲冑彭郎兀傲來自西突起兩強誰問造大江滔、如砥平兩面束之成建瓴比如壯士不受黜白日奮作千雷霆我時經行值端午小市藁祠目親覩廣張禍福口翻瀾妄挾神奸嚇商賈割羊刺豕酒如山紙錢勃宰旋風飄當時小姑今點姥得酒索錢無赧顏

贈祝玉泉相士

空山流泉漱鳴玉雅韻冷、轉深谷美人持此弄音微胸次蕭然無點俗泉流出谷清復清鑑之洞見神與形蟹蝦瑣細未省錄伺取神物游清泠清泠之淵有美璞為瓊為圭在追

美璞不自獻獨泚泚昏玉何見

萊州監郡李蘭奚射虎圖

萊州使君甚英武曾為萊氓親射虎逸才之獸力可取手調長弓心自許徐、縱馬入荒榛闌斑咆哮來迫人投身虎口在分寸旁莫助之俱損神撥馬橫奔如電掣霹靂應弦山亦裂通身是膽不病怖卻睨如繩注醒血老生展卷猶駭然使君笑請題詩篇我為使君當自愛力行善政民無害君不見魯山之令元紫芝虎暴自除官不知

送醫學正陳復初歸安仁

漂母饋食哀王孫報與不報非所存一餐不得未必死藥餌不時生死分我始識君方抱疾察我病原投藥石空囊羞澁政懷慙藥裹千金君不惜愛君質朴無嬌情用心妙處如宋

清滯毫作傳猶未暇短韻寄情因送行

金陵作

劉明子

名煒號愚山

秦淮月照秦淮水繚繞宮城綠楊裏巷入烏衣落日愁庭空
玉樹西風起當今雨露澤九垓坐見車書同萬里鳳皇臺上
鳳皇來我欲持之獻天子

題畫馬圖

余正卿

名昌

天閑公駿那復識渥洼騏驎今無迹此圖誰畫不知名風驟
霧鬣垂楊陌奚官莫是五陵人並立沙頭煙草碧時平不出
玉門關華山千里春風閑

題沙縣丞山水圖

趙德元

名元善號拙齋

煙雲飛出霜毫端滄茫過眼迷山川川平山開楚江闊斷岸
百尺波連天風高鴈背帶落日輕帆點破滄浪烟楓林疎處

見疊嶂寒岩瀉水清潏潏孤村落葉滿石徑柴扉日暮無人
閑騎驢人過新橋去江南風景歸吟鞭我生長憶武陵路夢
隨流水尋桃源豈知開畫見此景恍惚便欲從此仙誰能寫
我入畫裏穩泛一葉秋江船

送劉明子歸省

周子震

名震

尚志堂中綵衣舞樓外兩峰青映戶白雲萬里走京師來為
觀光歸為母母年七十雪垂肩客心一日如十年東華塵土
且未浣拂衣便問江東船金雞潭上老樵者三年供奉出無
馬人生金帶總虛名白頭堂上真堪詫

賦徐伯初環碧亭

馬子尚

名志仁號尚志齋

絺韋往昔開二儀手扶積氣營一區運成三百六十五上下
一色青琉璃茫茫神禹憂浸稽疏滌扶萊納咸池東漸西被

朔南暨二億三萬蒼波圍由來環碧有如許經天繞地孰與
齊更知環中應無窮直作天地萬物師高人勘破造化機築
室小越溪之湄清晨俯流欲何為超然默契思指歸遠觀近
取應如斯至理不與尋文殊方員周折何足奇飛珠漱玉供
教嬉世無子期知音稀琴聲殆類吹笙竽焉知逝者如斯夫
再賦聽香亭 葉景南

聽香亭畔春風起吹拆瓊花二兩藥烟梢留宿白雲飛橫渡
溪橋歸海嶼雲消南國近黃昏月照前村半江水五更霜重
玉容寒吟翁睡足茅屋底夢中非我亦非梅非鼻非心復非
耳但見芬芳遍太虛唯聆馥郁週寰宇幽馨和凍墮琴床旖
旎肝腸熏骨髓胸必峰嶸妙莫窺襟懷洒落奇無比醉後頻
驚往事空醒來倍覺吾廬爽踈影橫斜澗沼中韶光浩蕩乾

裏雌蝶雄蜂浪自狂山猿野鶴深相喜畫角高坤興不孤玉
簫婉婉情難已霧鑰江南去路迷羅浮望斷知何許擬袪聲
迹絕間塵汲引深清為君洗

雪中見寄

六丁劍攬天池水倒瀉銀河灑寒雨舞空鱗甲動天風玉龍
飛下玻璃浦乾坤萬里混清光廣寒誰借脩月斧奇葩異卉
恣粘綴寧煩獺髓鱉膠補無朋懶棹子猷船何人肯扣袁安
戶不愁僵卧酒杯空石鼎烹茶試鸚鵡

辛丑歲軍亂後李元常賦詩傷感次其韻

亂後依前舊城郭青山不老秋雲薄人民皆非可奈何歲月
無情隨逝波短世功名何暇論相逢存沒驚相問夜寒兒女
泣牛衣紫鳳天吳顛倒披訪舊驚心生百感兩脚如麻春不

暖祇多幽滯哭酸風何人背面啼春紅

過李從道故居有感

數間古屋荒村道滿地蒼煙鎖芳草酒酣獨步憶當年幾逐
秋風訪詩老主翁去後寧復來戶外白雲人不掃青山依舊
事盡非斜日黃花為誰好

黃鶴樓

丁守中

半空金碧何代樓仙人鶴駕曾一遊雕檻看雲楚山曉珠簾
捲月湘江秋樓前雲月長無恙禰賦崔詩角清壯西風忽動
庾公塵仙人仍歸九天上

贈玄漠鍊師

神仙中人毛外史方瞳深碧虬髯紫了知大道本無為況是
谷神元不死偶因救旱驅玄溟倒瀉銀漢如建瓴功成不居

拂衣去洞庭渺々君山青

奉寄武昌南山白雲老人

故人家住南山下心與白雲共瀟洒芝草遙賡黃綺歌蓮花
近入宗雷社吟子江海避風塵白首歸來失所親青眼相看
如昔日只有南山與故人

紫芝山房

先翁胸中有丘壑預築園亭向山郭清宵忽夢紫芝生地靈
獻瑞真佳城只今諸孫仍肯構風姿曠々如之秀一門未紫
自此并始知吉夢為休徵始知吉夢為休徵
陵

送鄭彥貞仲舒姪北游京師

吳立夫

鄭君系本自義門之首植表孝義敦祖孫九世類一日聚族

千指通晨昏酒食厄口共餒衣裳拋架身同溫家宜富饒
積粟布里或饑饉資養飧大宗小宗寔以邈東眷西眷疇尋
源復除曷下省府令延譽靡間鄉閭言禮俗興衰頽不重風
聲勸慕猶茲存袖中懷文扣所部行矣望闕期軒騫燕然何
許水陸隔越驛喻月舟車奔郵嶧邛山岱嶽竦蜀江邛瀆河
流渾榆關崇墉峙虎駁碣石漲海澆蛟鼉北州塵沙濶萬里
天邑氣象雄微垣昇平多年正黼宸郡國藥至斷肩跟五柞
長楊劍戟接控弦突騎旌旗翻鴻鴈飛鳴羽未肅魚龍變化
光相燉世塗人事豈可測儒術政理須攀援嗟予昔者忝俊
造翹足到今勞夢魂乘時一去欲迅奮抱病日劇徒丘園阮
郎竹林夕並秀章氏花樹春仍繁榮親顯已在此舉惜不往
餞空壘樽

題畫六州華張麗華侍女汲井圖

景陽宮中景陽井手出銀盤牽素綆
鉛華不御回生光寶帳
垂綃花妬影臨春結綺屹層空
辟月瓊枝狎客同鴛鴦戲水
池塘雨蛺蝶尋香殿閣風日高
歡宴驕若訴床脚表章昏不
寤吳兒白袍戰鼓死洛土青
蓋降船渡井泥無波井欄缺
半點胭脂汗緋雪蕙心蘭質
吹作塵目斷寒江鎖江鐵

玩珠伎

玩珠聞自宮掖來長竿寶腕手中迴
日光正高竿影直風力
旋空珠勢側當時想像鼻生蕊
宛轉向額裁芙蓉筋頭交筋
忽神駭矛葉舞矛憂技窮昔人
因戲存戒懼後人忘戒但戲
豫漢朝索撞險還愁晉世杯
椀危不寤徘徊徊奪目睛歌
歌傾傾獻玉瓊滑涎器從龍
堂出燁燁命與鬼骨爭君不
見

王家大娘材藝絕勤政樓前戴筆折市人謹咲便喧城驚動
金吾白挺聲

宋度宗御書福王慶壽宮扇

漢家諸侯奉大統會稽故邱王封重歲周甲子壽筵開賓客
滿堂宮扇來掖庭嬪御侍圖史聖筆逡巡鸞鳳似清風外撲
龍昇花明月中涵鏡湖水西國為家日已微禮官考禮是邪
非殿前君臣朝玉笏後宮公子曳珠衣火德盛時尚有扇金
商振慶無兵戰兵頭老鐵山降雲扇底生綃沾淚霰自從一
莖息婦原恨身不見孝崇函越州司戶肩滕雪舊篔簹淒涼那
忍說

盜殺亞父塚

楚王昔尊楚亞父楚人念殺亞父墓南山鑿石下懸棺寶氣

燭天知劍處當年奉劍重腫光左右膝走諸侯王劍鋒掃盡
柄奪漢梁楚關作馳兵場起撞玉斗咲豎子戰凶烏為骨虜
蟻烏江得死不得葬憤膽免腸終不死東陵老盜曾膾肝丞
相摸金仍置官大儒揮椎小儒唱奇寶夜窆蛟龍寒君不見
秦皇一死驪山改亞父猶能數千載我今豈識亞父誰鳧鴈
秋風散銀海

歲晚懷戴子壽就寄翁君授

東南大海吹長波亂山幾疊堆嵯峨我所思兮欲如何戴子
謂我不我過四明學官列象犧書則稽古詩倚那六經聖髓
工漸摩倉頡字林考隸科青燈掛壁豈有他黃蘗苦澁餘醜
醜平湖沈漢足芟荷目力可及發詠歌慈溪先生雙鬢皓小
出乃為禮所羅曲臺淹中却不頗孺齊道真得者多先生昔

曾舉漢科我亦同往超江河仰窺天門光可爛豁然叱落千
丈坡就中車龍卧為梭掀雲噴霄輸蛟鼉呂梁懸水無盤渦
况有遽數蟹與羸彼共貧女凝秋蛾地窄袖短空僂僂却鐘
毀釜不必和靈談鬼嘯衆所呵北行何有塵沒靴南歸詎可
夢駱駝一朝竟撤碼碯珂獨立吾今衣薜蘿芝冷竹飲皆沉
痾十載未復仍委蛇先生一再來揮戈坐將挾箸嘗其膳大
松偃蹇徒高歌小草樂育尚善我清廟梁柱可聖磨萬世學
術從丘軻文風自振祛煩苛士論况辨佗與番分正句讀嗟
吾訛丘園歲暮猶婆娑明當沐髮陽之阿從公共飽天山禾
更不去理墻頭莎

寄陳生

落日未落山崦我所思兮抗斲巖豈其徒行固不可亦有

健馬可着銜胡然獨處不我即坐以魯史攻詰讀更疑弄筆
後古帖先漢齋喝求鐫刻於茲孰不我傾倒但或嗜好殊酸
醜結交似子乃有得肯使繫屬非族終今年一出本浪戰滿
地插棘曷能監鹿盧大劍區冶鑄靈鬼夜泣較龍函早是鉛
鉅不我辨彎弧底用窺焚櫓縱尔奇文聚怪鷗政如絕力鞭
神臧邯鄲道上尚故步我要我襟空餘櫟母寧容刀與墨水
枉使衆仁相為讒秋風吹江晚正急薄暮徑去懸蒲帆自期
共作制勝策酷類田父收盧穠杏花一色直不遠繡線巧感
行春衫黃精苗枯不足惜白木敢負吾長鏡差哉函莽又滅
裂但有羨穉無人芟待教將投乃壺哨猶恐未陳即鼓僂參
乎賜也必貫一曰啖曰陸俱通凡尋常可力自不力不畏天
顯兼民品子來不來我亦別深裏深處多松樹臨篇草草遽

報我愁思滿臆何庸絨

二月六日雨書都城舊事

燕南趙北吹黃塵九天宮闕生紫雲十二門開衢路直畫輪
駉馬多行客歲寒殿外柳繞青金水河邊冰尚白鷄人傳漏
放曉朝文石分班押百僚南陽近親最舞蹈京兆耆舊爭歌
謠教坊供奉飾玉女鐘能鐘聲鼓能鼓錦來西蜀被玄駝肉
出太官殮猛虎初日扶桑稍照人內筵錫燕杏花春沐犢驛
牲泰時祀繡旗翠蓋驪山巡東風萬里飄寒雨我昔所聞今
不覩快然呼酒擊酒壺茂陵徐生曾上書

題唐明王卧吹玉簫圖

張惟中

象牀筠簟相紋綠珊瑚作桃紅於玉君王卧弄紫絲絛蕭瑟
又是新涼

陶聲續吹得中原蔓草生

題隋煬帝夢陳後主圖

行人嗔點燕脂井荒宴蕪城猶不醒龍舟張錦炫睛波堤柳
縈絲弄春影游魂未化還笑渠兩主興亡一夢餘後庭花謝
螢光冷千古寧無鑑覆車

題蘇武牧羊圖

胡天雪滿家何許地樹根死祗不乳蕭蕭漢節慘悲風獨立
乾坤竟誰語有時飛夢繞函關五色龍樓霄漢間星殞旄頭
即銷恨丈夫何意望生還

題天台瀑布圖

南山嵯峨倚空碧一道飛泉破山色何人剪却織文機下皇
素練三千尺烏藤拄向清風前六月噴洒生薄寒天台有此

亦奇觀何須再往廬山看

梅雪山房

山人種梅花繞屋飛雪如花亂
日徘徊四顧色相輝東嶺
西林失寒綠山人如在白雲鄉
牕几娟娟流素光巡簷欲覓
花無跡對酒還疑雪有香天工
應把玉為屑散落人間作花
雪隨風偶入山人杯寄我新詩
倍清絕江路何人吹玉簫平
沙月色皆銀濤相思我亦清興
發拄杖敲門何憚遙山人迎
笑歌綠萼和以幽蘭共磅礴浮
世黃埃不可居醉卧南牕夢
飛鶴

送王彥貞余伯能張益齋三君子之京

二月鳥機動春水一夜新雷群
蟄起洗天甘雨自西來萬里
山圖圖裏王郎見之雙眼明
仗劍便欲金陵行

河漢馮筆端歛吸風雲生余君
年少青雲客心與王郎為莫
逆空囊俯視無一錢胸中獨有
天人策兩人相邀張隱君隱
君老氣尤輪困坐聽鷄鳴不待
旦即向鳧磯同問津問津直
上金陵去石頭城高如虎踞烟
花紫禁奏雲門日月龍旗拂
珠樹榻前左右皆夔龍萬國此
時來會同天閑得此渥注種
凡馬不敢嘶長風我欲相從愧
無用飛夢秦淮遠相送有待
諸公致太平山林試撰河清頌

觀打魚

寒潭白魚不盈尺漁人聚網相
追急水清無處着微身下有
長江湖不入君不見東海之中
千里鯤怒來掉尾海為奔西
游弱水天吳泣北上龍門白晝
昏

和蘇與參中酒韻

林彥華

樓子文章紹班固酒聖頻中不論數長吟杜子八仙歌朗誦
坡仙老鬢賦尔來夢渴飲東海鱗介蒼皇競悲訴月庭壘汗
不足誇大笑妖妃吸花露奮箕踞差可喜意適何妨二豪
怒便當舉手招謫仙直跨長鯨繞雲霧我生幸作太平客鼓
腹而嬉日含哺有時快意逃麴生魚腹騷鬼每相妬君不見
銅鑊小兒唱山簡花下歸來不知暮誓將共老無功鄉誰能
獨泣揚朱路

姑蘇臺

會稽鳥獸志不小仰瞻夜眠冰在抱忠魂曉散屬鏤鋒泰伯
遺墟欲為沼苧羅尤物妖且妍歌雲舞雪翻飛仙歡娛未央
白日晚幽懷已落陶朱船臺傾苑廢春草綠不見栖鳥見遊
鹿

歌風臺

芒碭雲起高崔嵬關東噫氣聲如雷睢陽拔木真細事天遣
吹暖秦坑灰沛中小兒強解事擊筑高歌攬鄉思周南正始
風化行可惜歌中無此意霸心之存良可知五葉變作秋風
辭

黃金臺

甘棠舊業寒於灰燕平忿起招雄才千金不惜購馬首斯須
遠致龍之媒時來按劍雪前耻七十齊城一朝圯如何繼志
惑巧言坐使望諸成沒齒抵蛙之金亦奉軻傷心易水空寒
歌

陽雲臺

秦釐蠶食龜鼉國天遣湘蠶死魚腹靈脩不復入脩門蓋罷

高堂夢函谷侍臣秉筆賦聚麀神娥千載空包羞峽雲冥冥
山鬼哭汀樹藹江猿愁孤臺縹緲瞿塘路多少行人望朝
暮

望思亭

春宮桐木埋禍本鶴駕無言蘊孤憤震雷東起馳殺聲湖上
前星已先霄茂陵劉郎真少恩眇視骨肉猶織塵隸臣赤族
竟何補望思日暮空傷神天人相勝一反覆神光已照長安
獄

戲馬臺

白蛇夜斷飛赤龍長驅疾走平關中鴻門玉碎亞父死彭城
霸氣隨飄風沐猴馭馬方成戲調伏群駑弃天驥一驩豈解
遍九州事去空歌時不利宋公不復登此丘千古有客悲黃

樓

章華臺

章華臺高逼南斗七澤三江在窓牖宮女爭迴舞雪腰郢人
巧運成風手子圍霸業良可羞詬天墓國仇諸侯一弓不忍
賜弱魯九鼎尚欲求宗周羈魂不返乾溪路臺上春深走狐
兔

銅雀臺

黃星麗天日西匿坐見魏臺高百尺當時勝槩孰品題尚想
諸郎有曹植戲嬌貯麗娛奸雄二喬不鎖羞春風千年累土
化榛棘片瓦尚奪陶泓功分香淚盡繁華去歌聲不到西陵
樹

題秋江晚渡圖

揭希章

奈榆栳楓樗村古臺半隱溪林根短橋細路入幽迳斷無
人屋誰鄉粉遠山微雲出木杪白沙丹葉隨洲痕岸莎時方
蘸淨潦天霜氣欲浮黃昏一舟橫衝破秋色中有坐止知奚
云應言去早失歸晚夕陽下擲潛無曛巾衣各振離舸散到
家定未闕柴門吳越小景重摸索江湘雅致費討論豈無片
壑可與共漁樵逸樂同雞豚彼翁欣還倚杖屨誰能無酒妻
兒溫我生只為書僭誤披卷坐對真銷魂黃金郿塢不若此
浣花詩屋翻能存還君圖卷百感歎武陵溪上難尋源不餘
忘者舊山麓春月起處思聞猿

題石經 龔子敬

洛溢河清世之季鉤黨諸賢死無避檣門冠帶此何時詔為群
經正文字議郎將工隸書觀者紛紛門外車似憂方策重
煨燼且可鐫模辨魯魚南臺四部存幾積誰見世間完六籍
漢儒紛々掇拾力到今不是糊塗客

珊瑚

彭元亮

珊瑚生樹碧海底安得騎鯨斫大枝獨下崑崙倚風露瓊花
吹落酒醒時萬山雲盡水百折中夜月高天四垂不信此心
如雪白漢江同去照漣漪

見梅懷方山房

何夢桂

玉堂佳人中瓊英月下乍見心眼明香心野雪壓不死幽韻
天風吹更清玉龍聲高夜漏下綠衣舞短天鷄鳴歲寒相見
苦易別安得白頭敦弟兄

送李鶴田入浙赴趙春谷招

劉會孟

天下南北車書通行人點々過汴宮空餘良岳一拳上黯淡

如雪吹不融平乘樓上王夷甫一望中原淚如雨西風羽扇
不障塵更自蓮子移根去政事堂中三相公往來退食為憂
龍少年慟哭不見用一語不合面發紅八年流落無死所合
眼當朝遽如許忠魂不到海門潮別殿芙蓉廢為圃茫茫古
路日平西不信金銅不淚垂浮沉親故懶復問白髮唯有春
風知李侯髀肉堪流涕同谷哀吟越州弟買絲刻繡刻未成
公子翩翩鴻書至飄然起望白雲間裘雪銀山度赤山年餘
七十會幾見我且欲往窮當還平生高李經行處寂寞斷橋
飄亂絮不知到日似枯魚淚入黃河別魴鯁當時殿閣密雲
屯曾和薰弦接羽翰至今猶留花石否杜鵑再賦長恨端蘇
州正念東隣女傷心又遇拂開前語言憔悴敢分明買酒行
澆茂陵王

飛來峰冷泉亭

尹仲明

湖山獨愛飛來峰孤猿長嘯寒烟中丹霞赤壁巖梵宇葛衣
草屨來仙翁松根屈曲絡山骨水光雲氣相冥濛流傳來自
天竺國攘奪造化開神功固知此語特虛幻豈有重濁能凌
空山川靈異本自有何假移撥迷西東詩人愛奇故踵謬誑
惑千古欺盲聾是耶非耶姑勿論且坐絕此

題桃源圖

張信可

桃溪東迴溪轉長桃花開時春光幽禽出樹亂紅落遊魚
吹花流水香山人正住溪之澗屋角花開自成塢尋源未許
武陵人隱居且作桃溪主拄杖穿花來水頭禽魚亦解識風
流往來况有樵雲叟何昔銜杯同唱酬一樽時出桃花色花
客尊中已無迹醉鄉悠々白日閑黃塵袞々青山萬月年

日北花開山人淨掃溪陰苔我亦天台約劉阮春風一棹酒
船來

懷牧心

戴祖禹

風流年少今安在江頭駐馬空相待暮鴉千點落西陵歸帆
一片生東海去年別尔鴈南征今年迎尔春水生我心思尔
如春水回波相續無窮已君如鴻鴈早驚霜方逐長風度千
里歸來滿地生芳草相期走馬西門道大堤日出佳氣濃飛
絮遊絲滿晴昊如澗之酒傾玉壺下馬共飲休躊躇文章似
尔絕代無不須更草封禪書但願長醉黃公壚

贈玉泉山人何公

盧公載

名居黃巖人

茫茫朔北多平野好山半落東南偏東南山多貴人少公戾
衮之生幽燕地氣由來有南北天運循環豈終極但恨至寶
遺道旁俗眼看朱或成碧何公西來騎白鱗人言大似郭景
純陰陽顛倒在其手論世禍福原非真山川精英神物悶談
笑鑿開有餘地時人種德須百年瓜圃何憂失其遇我今鄧
市新築居請公為我卜遠圖公言此中亦大好空明佳氣無
時無

清明述懷

趙蕙友

名友蘭黃巖人翰林編脩

東風吹春桐始花青之柳枝挿簷斜內園小兒得新火紫烟
已遍金張家雙鸞吹笙調鶯舌起踏秋千弄斜月夜深步轉
玉闌東笑倚梨花一株雪

送李彦方聞憲副使

謝敬德

使君昔我冠日正色危言動明主臺除近日多留中今日
東門送君去平生不到黃河壅褰帷萬里關關路畫鷁輕搖

楊柳風繡衣肯衰蓄薇露

轆轤怨

徐天逸

門前水揚聲似雨幽人當窗碧弦語萬里征夫去不歸一雙
蛾眉井中舞年井上攀轆轤勞心只恐秋葵枯他家種得
長生草梅花落盡青好

過歌風臺

張光弼

世間快意寧有此亭長還鄉作天子沛宮不樂復何為諸母
父兄知舊事酒酣起舞和兒歌眼中盡是漢山河韓彭受誅
黥布戮且喜壯士今無多縱酒極歡留十日感慨傷懷涕沾
臆萬乘旌旗不自尊魂猶為故鄉惜從來樂極自生哀泗
水東流不再回萬歲千秋誰不念古之帝王安在哉萋苔石
刻今如許幾度秋風灞陵雨漢家社稷四百年荒臺猶是開

基處

讀杜拾遺百憂集行有感

余生行年將八十不知何者為憂戚富貴不驕貧賤安以此
存心度朝夕往年承乏佐中書大官羊膺供堂食只今賜老
作編氓衣食信天無固必陋巷單瓢如素居不管茅茨春雨
濕門前載酒求賦詩錦軸牙籤日堆積在官不置負郭田既
老翻得稽古力毀譽都亡月旦評姓名不上春秋筆朝米不
煩隣僧送暮米不煩太倉糴我亦一飯不忘君文人相輕所
不及傷我白首杜拾遺入蜀還秦勞轍迹文章蓋世亦何為
妻子相看百憂集

五王行春圖

開元天子達四駝羽旄管籥行相從當時從駕驪山者宰相

猶是璟與崇華萼樓中雲氣裏兄弟同眠復同起玉環一旦
入深宮大枕長衾冷如水與慶池頭花樹邊梨園小部俱嬾
娟楊家姊妹夜游處銀燭萬條生紫煙寧知樂極哀方始羯
鼓未終鞀鼓起衰斜西幸雨霖鈴回首長安幾千里

贈製筆生許文珪

許生精藝誰可及材用剛柔以製筆水盆洗出紫兔毫便覺
文章生羽翼蒙恬將軍為動色為是秦王舊時物丞相斯曾
從駕行載此篆書封禪碣從秦至今幾千載兔尚存皮竹可
採利濟天下功不有入手千人萬人愛我昔為郎居粉署用
筆唯於許生取輕衫日對紫薇花寫遍江淹夢中句


春日感事

林靈齋山

柳花衣雪春冥冥溪風一夜吹為萍隨風去渺流水人生

無根亦如此故山入夢草芊芊半箇踈雨寒食天曉來白髮
稀可數多少朱顏化黃土高原耕青烟斜麥飯酒松能幾
家子規叫殘金粟暮蘭紙蘭亭已飛去

文苑類選大成三十



文翰類選大卷第三十一 七言古詩目錄

國朝

劉基

十首 宋濂

三首 詹同文

三首 夏煜

二首

揭軌

九首 劉彥昂

二首 劉績

四首 唐肅

一首

練高

林公慶

二首 蘭以權

一首 張紳

一首

劉崧

一首 張璧

一首 高啓

一首 周之翰

一首

沈存

一首 鄭濟

一首 范立

一首 董佐才

二首

劉原俊

一首 王逢

一首 朱善

一首 劉秋

二首

夏原吉

七首 袁凱

一首 吳瑅

一首 解縉

九首

曾魯

一首 滕毅

一首 蘇伯衡

一首 蕭執

一首

張孟兼

一首 王沂

一首 王佑

吳植

一首


文鎬

一首 顧祿

七首 胡廣

三首 錢復亨

一首



章珣 二首 祝淇 一首 金 二首 袁廷玉 二首

金善 二首 楊士奇 四首 時季昭 二首 管訥 三首

真悅 一首 徐賁 二首 習韶 一首 劉子高 一首

余吉祥 一首 吳溥 二首 鄒緝 四首 周玄 一首

林鴻 五首 袁忠徹 六首 蘇平 三首 祝涇 二首

吳誠 一首 戴審 一首 王恭 一首 趙迪 二首

劉球 一首 劉渙 一首 張一民 二首 王澤 三首

毛鉉 一首 唐之澤 三首 鄭嘉 一首

